


Jesu  
ke  
Mang ?



TOM SMALL

# Jesu ke Mang?



ISBN 0 86883 119 0

Published by  
Bible Way Correspondence School

MASTAPRINT - 00945

Copyright, 2007  
International Publications Services  
All Rights Reserved  
IPSIMB.com - bw-wij-bot-tsw

# **KETAPELE LE DITAELO KA KAKARETSO**

**BIBLE WAY CORRESPONDENCE SCHOOL** e rulaganyeditswe ba ba iseng ba katisiwe mo dithutong tsa Baebele. Le fa go ntse jalo, e rulagantswe ka mokgwa o o leng gore ba ba ithutileng Baebele dingwaga ba tla thusega mo dithutong tse.

**MAIKAELELO** a dithuto tse ke go supa togamaano ya poloko ya Modimo, go katisa mo kitsong ya Baebele, le go thusa ka kgolo ya Mokeresete mo bodumeding. Mang le mang o amogelesega go tsenelela thuto e.

**BAEBELE** ka nako tsotlhe e bo e le fa thoko ga gago fa o ithuta dithuto tse. O bale ka kelotlhoko temana ya Baebele nngwe le nngwe e o bolelelwang go e bala mo thutong e o e dirang. Fa go na le mafoko mo Baebeleng gongwe mo lokwalong lwa dithuto a o sa a tihaloganyeng, o tshwanetse o a batle mo lokwalong lo lo nang le dithaloso tsa mafoko.

## **PHETOGO YA ATERESE**

Fa o fetola aterese e o e dirisang gongwe ya ntlo, tswe tswe itsese Mookamedi wa Bible Way Correspondence School.

## **PALO YA MOITHUTI**

Moithuti mongwe le mongwe yo o tsenelelang Bible Way Correspondence School o fiwa palo. Palo e e bothokwa thata ka gore dipampiri tsa gago di bewa ka fa tlase ga palo ya gago. Fa o kwalela kwa go Mookamedi wa Thuto o tshwanetse go fa leina la gago, palo ya gago, le aterese ya gago.

## **E KE PALO YA GAGO YA BOITHUTI**

(E dirise ka gale) \_\_\_\_\_

# TSE DI MO TENG THULAGANYO YA DITHUTO

<b>Thuto</b>		<b>Tsebe</b>
1. JESU KE ENE MOSOLOFEDIWA WA KGOLAGANO E KGOLOGOLO.....		5
2. JESU KE MORWA MODIMO .....		10
3. JESU KE MODIMO .....		15
4. JESU E NE E LE MOTHO YO O SE NANG SEBE ....		20
5. JESU KE LEFOKO LA MODIMO.....		26
6. JESU O NA LE THATA YOTLHE .....		32
7. JESU KE KWANA YA MODIMO .....		37
8. JESU KE MMOLOKI .....		42
9. JESU KE MOFENYI WA LOSO .....		47
10. JESU KE MORENA .....		52
11. JESU KE MOATLHODI.....		57
12. JESU KE WA BATHO BOTLHE.....		61
TALETSO GO AMOGELA JESU KERESETE GO NNA MOKERESETE.....		65

## THUTO 1

# JESU KE ENE MOSOLOFEDIWA WA KGOLAGANO E KGLOGOLO

**Temana ya go ithuta ka tlhogo:** *"Ke ene yo baporofeti botlhe ba supang ka ga gagwe, gore mongwe le mongwe yo o dumelang mo go ene o tla bona boitshwarelo jwa dibe ka leina la gagwe."*  
-Ditiro 10:43.

### KETAPELE

Mo dithutong tse di lesome le bobedi tse, re tla ithuta ka boammaaruri bongwe jo botona mabapi le Jesu, jo go buiwang ka jone mo lefokong la Modimo, Baebale. Makgolokgolo a dingwaga pele ga Jesu a tsalwa, baporofeti (bareri) ba Kgolagano e Kgologolo ba boletse batho molaetsa wa Modimo gore Modimo o tla romela Mmoloki mo lefatsheng. Baporofeti ga ba a ka ba bua fela kaga go tla ga Mmoloki, ba ne ba bua le ka tse di tla mo dirafalelang mo botshelong.

Jaanong a re sekasekeng temana ya go ithuta ka tlhogo e e fa godimo, Ditiro 10:43, ka bokhutshwane. E rile jaaka fa Petoro a rerela setlhopho sa batho a bua mafoko a a bonwang mo temaneng ya rona ya tlhogo. O ba gakolotse fa baporofeti botlhe ba boletse kaga Jesu le gore poloko e ne e ka dirafala ka tumelo mo go Jesu.

Thuto e ya ntlha e tla nna thuto nngwe ya diporofeso tsa Kgolagano e Kgologolo kaga Mmoloki yo o solofeditsweng, mme re tla bo re lebe mo Kgolaganong e Ntsha le go bona kafa diporofeso tse di dirafaditsweng ka teng mo go Jesu Keresete. Fa re dira thuto e, re tshwanetse go gakologelwa gore baporofeti ba buile mafoko a makgolokgolo a dingwaga pele ga botsalo jwa ga Jesu. Ba ne ba bua fela jaaka Modimo o ne o ba laetse ka Mowa wa one mme dilo tse ba neng ba di bua di ne tsa dirafala fela jaaka Modimo o ne o buile.

### 1. FELO FA JESU O TSALETSWENG TENG GO SALE GO BOLETSEWE - *Mika 5:2*

Mika o buile mafoko a dingwaga tse di fetang makgolo a a supang pele ga Jesu a tsalwa. Ga go kgonege gore motho o ka nna le kitso ya go nna jalo. O kabo a itsile se fela jaaka fa Mowa wa Modimo o mo rutila. Jaanong phutholola mo Baebeleng ya gago mme o bale Matheo 2:1-6. Ee Jesu ke ene go builweng kaga gagwe mo seporofesong sa Kgolaganano e Kgolologolo.

## **2. BOTSALO JWA GA JESU KA LEKGAREBANE BO SALE BO BOLETSWE - *Isaia 7:14***

Re itse gore kgarebane e ne e sa ka ke ya tshola ngwana fa e se fela thata ya Modimo e letlile gore go dirafale. Se ke sone tota se se dirafatseng. Mo go Luke 1:26-35 re bala jaaka Maria, yo e neng e le kgarebane (o ne a ise a ke a itse monna), a dirwa go nna mmaagwe Jesu. Lefa Josefa a ne a itsiwe e le rraagwe Jesu wa selefatshe, Lefoko la Modimo le re ruta sentle gore Josefa le Maria ba ne ba sa tshole mmogo jaaka monna le mosadi go fitlhela morago ga Jesu a tsalwa. Re ithuta ka moo mo go Matheo 1:18-25. Mafoko a ga Isaia a ne a se ka a dirafadiwa ka dingwaga tse dintsi. Mme mo botsalong jwa ga Jesu gotlhe go dirilwe fela jaaka Modimo o ne o solofeditse ka moporofeti Isaia.

## **3. GO SALE GO BOLETSWE GORE JESU O TLA NNA LE MOWA WA MODIMO - *Isaia 42:1***

Fa re bala Kgolaganano e Ntsha re lemoga gore tsholofetso e e boletsweng ke Isaia e ne ya dirafadiwa. Ka boammaaruri Jesu o ne a tletse ka Mowa wa Modimo. Mowa wa Modimo o bidiwa ka leina la Mowa oo Galalelang gongwe Mowa o o Boitshepo mo Kgolaganong e Ntsha. Bala ka kelothoko Johane 1:32-34, le Johane 3:34-35.

## **4. GO GANA JESU GA BATHO GO SALE GO BOLETSWE - *Isaia 53:3***

Ka dingwaga tse dintsi batho ba Iseraele ba ne ba legeletse go tla ga Mmoloki ka ntlha ya mafoko a baporofeti. Lefa go ntse jalo, ba paletswa ke go thaloganya mofuta wa Mmoloki o Modimo o neng o

tlile go mo ba romelela. Ba ne ba batla Mmoloki yo o neng a ka ba boloka mo babeng ba selefatshe a bo a ba fa khumo e kgolo le thata. Modimo o ne wa rulaganya go romela Jesu go tla go boloka batho mo dibeng tsa bone. Mo go ne ga buiwa bogologolo pele ga go dirafala, gore fa go dirafala batho ba tle ba tthaloganye kafa Jesu a tladitseng seporofeso se ka teng. Mo Kgolaganong e Ntsha re bala gore babusi le baeteledipele ba dikereke ba ne ba simolola go ila Jesu mme bofelong ba mo kokotela mo sefapaanong. Bala kaga kgano ya Jesu mo go Matheo 27:22-23.

## **5. GO TSENA GA JESU MO JERUSALEMA GO SALE GO BOLETSWE - *Sakaria 9:9***

Seporofeso se se bolela tota kafa Jesu o neng a tshwanetse go tsena ka phenyo mo Jerusalema ka teng a ikokobeditse a palame tonki. Jaanong bala Matheo 21:1-9. Mo le gone go dirafetse mo botshelong jwa ga Jesu fela jaaka baporofeti ba bogologolo ba ne ba solofeditse.

## **6. GO OKIWA GA JESU GO SALE GO BOLETSWE - *Pesalema 41:9***

Temana e e re bolelela gore ene yo o neng a tla tlhanogela Jesu o ne a tla nna tsala e tona. Jutase Isekariote e ne e le monna yoo. O tshedile jaaka mongwe wa barutwa ba ga Jesu ngwaga di le tharo. O ne a bile a kile a rera. Mme pelo ya gagwe e ne e sa siama fa pele ga Modimo. Mo go Johane 12:6 re ithuta gore ka yone nako e Jutase o ne a utswa madi. Ka ntlha ya go rata madi ga gagwe o ne a dumela go oka Jesu mo go direng jalo polelopele mo go Pesalema 41:9 e ne ya dirafadiwa. Bala mabapi le tirafatso ya yone mo go Matheo 26:14-16.

## **7. LOSO LWA GA JESU LO SALE LO BOLETSWE**

Go na le seporofeso se le sentsi mo Kgolaganong e Kgologolo se se bolelang ka loso lwa ga Jesu se re ka se keng re ithute kaga sone sotlhe mo thutong e khutshwane e. Re tla tlhithlomisa se se

kae le gale. Lwa ntlha. bala ka polelo ya ga Jesu a bolawa mo sefapaanong mo go Matheo 27:27-50. Jaanong a re boneng ditemana dingwe mo Kgolaganong e Kgologolo tse di sa leng di boletse ka ditirafalo tse di dirafetseng mo losong lwa ga Jesu.

1. Selelo sa gagwe go Modimo. Pesalema 22:1 le Matheo 27:46
2. Batho ba sotla ka ene e bile ba mo nyatsa. Pesalema 22:6-8 le Matheo 27:39-43.
3. Dipekere di ne tsa kokotelwa mo diatleng le mo dinaong tsa gagwe. Pesalema 22:16 le Johane 20:25. (E ne e tle e re fa motho a bapolwa mo malatsing a Morena Jesu, a kokotelwe diatla le dinao mo sefapaanong se o bapotsweng mo go sone).
4. Ba a ne ba kgaogana diaparo tsa gagwe ka bola. Pesalema 22:18 le Matheo 27:35.
5. Loso lwa gagwe mo sefapaanong e ne e le ka ntlha ya maleo a rona. Isaia 53:6 le 2 Bakorinthe 5:21.
6. O ne a se ka a tswa molomo mo tshekong ya gagwe. Isaia 53:7 le Matheo 27:12-14.
7. O ne a le fa gare ga badira molato. Isaia 53:12 le Mareko 15:27-28.

## **8. TSOGO YA JESU E SALE E BOLETSWE - Pesalema 16:10**

Jaanong bala Ditiro 2:22-27. Fa Petoro a ne a rera mo letsatsing la Pentekosete (tshololo ya Mowa o o Boitshepo) o dirisitse ditemana tse mo Pesalemeng jaaka bosupi gore Modimo o ne o setse o boletse tsogo ya ga Jesu. Fa Petoro a sena go fetsa molaetsa wa gagwe batho ka bontsi ba lemogile fa Jesu a na a dirafatsa polelopele ya Kgolagano e Kgologolo. Ba bo ba dumela gore Jesu o tshwanetse ya bo e le ene tota Mmoloki yo o solofeditsweng mo Kgolaganong e Kgologolo. Tsatsi leo e ka nna dikete tse tharo tsa batho ba sokologa mo dibeng tsa bone mme ba amogela Jesu jaaka Morena le Mmoloki wa bone. Go direng jalo ga bone go ne ga dira gore ba bone boitshwarelo jwa dibe le botshelo jo bo sa khutleng.

# DIPOTSO TSA TSHEKATSHEKO YA GAGO

## THUTO 1

1. Moporofeti Mika, o ne a bolelela pele gore Jesu o tla tsalelwa mo \_\_\_\_\_
2. Rraagwe Jesu wa boammaarurike \_\_\_\_\_
3. Isai o boleetse pele gore bath batla \_\_\_\_\_
4. Jesu o rurifaditse polelopele ya ga Sakaria fa a ne a tsema mo Jerusalema a \_\_\_\_\_
5. Jutase Isekariote o ne a fetogela Jesu ka ntlha ya gore \_\_\_\_\_
6. Ditiro 10:43 e re bolelela gore mongwe le mongwe yo o dumelang mo go Keresete o bona \_\_\_\_\_

## SEKASEKA DIKARABO TSA GAGO

- (1) Betleheme (2) Modimo (3) Gana (4) Palame tonki (esele) (5) Pelo ya gagwe e ne e sa siama (6) Boitshwarelo jwa dibe ka leina la gagwe.

## TLHOMAMISA GORE O BADILE DITEMANA TSE TSA BAEBELE

Ditiro 10:43	Pesalema 16:10
Isaia 53:3,6-7,12	Mika 5:2
Pesalema 41:9	Mathaio 2:1-6
2 Bakorintha 5:21	Mathaio 27:12-14
Ditiro 2:22-27	Mathaio 27:27-50
Luke 1:26-35	Isaia 7:14
Sakaria 9:9	Mathaio 1:18-25
Pesalema 22:1,6-16,18	Johane 12:4-6
Isaia 42:1	Mareko 15:27-28

## THUTO 2

# JESU KE MORWA MODIMO

**Temana ya go ithuta ka tlhogo:** *"Mme lentswe la utlwala, le tswa kwa magodimong le re: yoo ke morwaake yo o rategang, yo ke mo itumelelang."* - Matheo 3:17

### KETAPELE

Mo thutong e re tla ithuta se Baebele e se rutang mabapi le Jesu e le Ngwana wa Modimo. Go na le batho bangwe ba ba reng: "Re dumela gore Jesu ke Morwa Modimo. Re a dumela ka gore batho botlhe ke bana ba Modimo. Modimo o re tlhodile rotlhe e bile ke Rraarona wa Selegodimo."

Se, ga se se Baebele e se rutang mabapi le gore Jesu ke Ngwana wa Modimo. Re tla bona gore Baebele e ruta gore Jesu ke Ngwana wa Modimo ka tsela e farologanyeng. Ke ene fela Ngwana wa Modimo yo o tsetsweng a le esi. Ga go na, ga go ise go nne, e bile ga go ketla go nna ope yo o tshwanang le Jesu fa pele ga Modimo.

### 1. JESU O NE A SE NA RRAAGWE WA SELEFATSHE

Bala Matheo 1:18-25 le Luke 1:26-35 ka kelotlhoko. Mo ditemaneng tse re ithuta dilo tse di latelang. Josefa le Maria ba ne ba ikaeletse go tla go nyalana. Moengele Gabariele o tlile kwa go Maria mme a mmolelela gore o tla tshola ngwana. Maria a re mo ga go ka ke ga dirafala gore e ne e le kgarebane. Gabariele a mmolelela gore Mowa oo Boitshepo o tla tla mo go ene mme le gore ngwana yo o tla mo tsholang e tlabo e le Ngwana wa Modimo. E rile fa Josefa a utlwa gore Maria o moimana a loga maano a go senya peeledo. Moengele o ne a bonala kwa go Josefa ka toro mme a mo tthalosetsa kafa go diregileng ka teng gore Maria a bo a le moimana. Jalo Josefa a tsaya Maria jaaka mosadi wa gagwe legale ga ba aka ba tshela mmogo jaaka monna le mosadi go fitlhela morago ga Jesu a sena go tsalwa. Re a bona

jaanong gore Jesu o ne a se na rraagwe wa mo Lefatsheng ka gore Maria o ne a nna le ngwana ka Mowa oo Boitshepo.

## **2. MOENGELE GABARIELE O BOLETSE FA JESU E LE NGWANA WA MODIMO**

Bala gape Luke 1:35. Jaanong ipotse potso e, "Kafa mafokong a moengele, Gabariele, Jesu ke Mang?" Re bona ka bofefo fa go na le karabo e le nngwe fela ya gore Jesu ke Morwa Modimo. Batho bangwe ba leka go nna bothhale thata mme ba botse dipotso mabapi le gore Jesu e ne e le mang. Moengele yo o tswang legodimong ka kitso e e fetang kitso ya batho botlhe o ne a sena dipotso ka mo. O ne a itse gore Jesu e ne e le Ngwana wa Modimo.

## **3. JOHANE MOKOLOBETSI O BOLETSE GORE JESU KE MORWA MODIMO**

Bula mo go Johane 1:29-34 mme o ithute ditemana tse. Modimo o ne wa romela Johane Mokolobetsi go baakanya dipelo tsa batho gore ba tle ba amogele Jesu, Mmoloki yo o solofeditsweng. Johane o dirile mo ka go biletsa batho tshokologong (go ikwatthaela dibe le go kgaogana natso). Modimo gape o ne o boleletse Johane kafa a ka kgonang go lemoga Mmoloki, yo o solofeditsweng ka teng fa a tla. O ne a tla mo itse jang? Bala gape temana ya masome a mararo le boraro. Fa Johane a bona Mowa oo Boitshepo o fologa mme o nna mo go Jesu a itse gore Jesu ke Mmoloki yo o solofeditsweng. A ba a bolela gore Jesu ke Morwa Modimo. Temana 34.

## **4. MODIMO KA BO-ENE O BOLETSE FA JESU E NE E LE MORWA WA ONE**

Ditemana tse di latelang di re ruta mo ka bophara: Matheo 3:16-17; Matheo 17:5; Mareko 9:7 le Luke 9:34-35. Barutwa ba tlhalogantse sentle gore lentswe le ba le utlwileng e ne e le lentswe la Modimo. Dingwaga morago ga moo, fa Petofo a kwala ka dilo tse di neng tsa dirafala mo Thabeng ya

Tshwanologo (thaba e mo go yone Jesu o ne a fetoga a nna le setshwano sa phatshimo), o rile Jesu o amogetse tlotlo le bogolo jo bo phatshimang bo tswa go Modimo Rara. Ba ne ba utlwa lentswe le re, *"Yo ke Morwaake yo o rategang, yo ke itumelang thata mo go ena."* - 2 Petoro 1:17-18. Modimo o ne o batla batho ba tlhaloganya sentle gore Jesu ke Morwa one.

## **5. MEWA E E BOSULA E BOLETSE GORE JESU E NE E LE MORWA MODIMO**

Go na le dikai di le dintsi mo Baebeleng mo mewa e e bosula e lemogileng Jesu mme ya re ke Morwa Modimo. A re boneng nngwe gongwe di le pedi tsa dikai tse. Bala Luke 8:26-39. Mo ditemaneng tse mademone a boletse gore Jesu ke ene yo o nang le thata ya go ba nyeletsa. Jaanong bula mo go Mareko 1:23- 27. Fa mewa e e maswe e anamisa gore Jesu ke Yo o Boitshepo wa Modimo. Lemoga fa Jesu a laotse mewa e e maswe go didimala.

O ne a sa batle Satane gongwe ba ba tletseng ka mowa wa ga Satane ba rera mabapi le ene. Ke mang yo o tshwanetseng go bolela kaga Jesu? Bala gape Luke 8:39. Botshelo jwa monna yo bo ne bo siamisitswe ke thata ya ga Jesu. E ne e le monna yo, le ba ba tshwanang nae gompiano, ba Jesu o batlang gore ba bolelele ba bangwe kaga gagwe.

## **6. BARUTWA BA BOLETSE GORE JESU E NE E LE MORWA MODIMO**

Leba Matheo 16:13-17 le Johane 6:67-69. Barutwa ba ne ba tshedile le Jesu lobaka lwa dingwaga di ka nna tharo. Ba ne ba lepile botshelo jwa gagwe thata. Ba ne ba mo utlwile a ruta dilo tse di gakgamatsang tsa Modimo. Ba ne ba bonye botshelo jwa gagwe jo bo se nang sebe. Ba ne ba bonye dikgakgamatso tse o di dirileng. Ka ntlha ya dilo tse ba itse fa Jesu e le Morwa Modimo ruri.

## **7. JESU KA BO ENE O BOLETSE FA E LE MORWA MODIMO**

E rile Jesu fa a sekisiwa batho ba ba neng ba reeditse tsheko ba palelwa ke go bona batho ba ba neng ba ka kgona go supa gore Jesu o ne a na le molato wa sebe. Jalo ba botsa Jesu potso e, "A o Keresete Morwa-ona oo bakwang?" Jesu a fa karabo e e tlhamaletseng, "Ke nna." - Mareko 14:60-62. Fa Jesu a ne a rile ga se ene Morwa Modimo, gongwe ba ka bo ba mo itshwaretse mme botshelo jwa gagwe bo kabo bo sa sennngwa. O ganne go aka ka ga gone. O ne a batla batho ba tlhaloganya gore ke Morwa Modimo.

## **8. TSOGO YA GA JESU MO LOSONG E SUPILE FA E LE NGWANA WA MODIMO**

E rile Jesu a sa ntse a na le barutwa ba gagwe o ne a ba bolelela gantsi fa a tla bolawa mme a tla tsoga mo phupung ka letsatsi la boraro. Matheo 16:21; Johane 2:18-22; Johane 10:17-18. Baba ba ga Jesu le bone, ba ne ba utlwile mafoko a. Ke gone ka moo ba lekileng kafa ba ka kgonang ka teng go thibela tsogo ya ga Jesu. Ba ne ba baya lentswe le letona mo kgorong ya logaga lo Jesu o neng a fitlhilwe mo go lone. Ba ne ba na le sekano mo lentsweng gore phupu e se ka ya bulwa. Ba ne ba na le masole a disitse kgorwana. Ba ne ba le dinatla jang wee! Thata ya motho e ne e se ka ke ya kganela tiro ya Modimo. Jesu o tsogile mo losong jaaka fela a ne a buile gore o tla tsoga. Tsogo ya gagwe e supile gore o buile nnete. Ya supa fa e le ruri e le Morwa Modimo. Baroma 1:4. Ee, Baebele e bua phatlalatsa ruri mabapi le Jesu. E ne e le Morwa Modimo mme ke Morwa Modimo. Go ganetsa se ke go ganetsa Lefoko la Modimo. A re amogeleng nnete ya gore Jesu ke mang mme re mo ikanye ka metlha yotlhe ka gonne ke Morwa Modimo le Mmoloki wa lefatshe le wa batho botlhe ba ba dumelang mo go ene.

## **DIPOTSO TSA TSHEKATSHEKO YA GAGO**

### **THUTO 2**

1. Moengele o boleetse Josefa gore ngwana yo Maria o tla mo

tsalang e tla bo e le Morwa Modimo mme o tla boloka batho  
ba gagwe mo \_\_\_\_\_

2. Johane Mokolobetsi o ne a re Jesu ke Morwa  
\_\_\_\_\_ Johane 1:34
3. Fa Jesu a ne a fologa mo thabeng morago ga a sena go bua  
le Mose le Elija, Modimo o buile mo lerung wa re "Yoo ke  
\_\_\_\_\_ Luke 9:35
4. Mo go Mareko 1:23-27 mewa e e maswe e goile gore Jesu ke  
yo o Boitshepo wa \_\_\_\_\_
5. Fa Jesu a ne a bodiwa gore: "A o Keresete, Morwa yo o  
bakwang?" O arabile a re " \_\_\_\_\_ "

## SEKASEKA DIKARABO TSA GAGO

(1) Dibeng tsa bone (2) Modimo (3) Morwaake, yo o ke mo  
itlhaoleletseng (4) Modimo (5) Ke na.

### TLHOMAMISA GORE O BADILE DITEMANA TSE TSA BAEBELE

Mathaio 3:16-17  
Mathaio 17:5  
Mathaio 16:13-17,21  
Mareko 14:60-62  
Mathaio 1:18-25  
Mareko 9:7  
Mareko 1:23-27  
Johane 2:18-22

Luke 1:26:35  
Luke 9:34-35  
Luke 8:26-39  
Johane 1:29-34  
Johane 10:17-18  
2 Petoro 1:17-18  
Johane 6:67-69  
Baroma 1:4

## THUTO 3

# JESU KE MODIMO

Temana ya go ithuta ka tlhogo: "E rile mo tshimologong Lefoko la bo le ntse le le teng; Lefoko le ne le na le Modimo, mme Lefoko e ne e le Modimo." -Johane 1:1

## KETAPELE

Re ithutile mo thutong e re sa tswang go e fetsa gore Jesu ke Morwa Modimo. Mo thutong e re tla bona gore Jesu e bile ke Modimo ka boene. Gongwe o a botsa: "Ga ke tlhaloganye mo, Jesu o ka nna jang Morwa Modimo a bo a nna Modimo?" Kwa tshimologong ya thuto e re tshwanetse ra tlhaloganya boammaaruri jo bo latelang sentle - Modimo o mogolo go feta kitso ya rona. Re itse ka Modimo ka ntlha ya gore o re itshenoletse. Ga se gore re itse Modimo ka go bo re le bothale. Mo go 1 Bakorintha 1:21 re bala mafoko a: "*Lefatshe ga le a itse Modimo ka bothale jwa lone,*" Ke maikaelelo a rona mo dithutong tse go ithuta se Modimo o se rutang mo Baebeleng mabapi le Jesu. Re tla bona gore Baebele e ruta sentle gore Jesu ke Modimo.

## 1. RE BOLELELWA SENTLE FA JESU E LE MODIMO

A re boneng ditemana tse pedi tse di re bolelelang se. Ya ntlha ke Johane 1:1 e e leng temana ya rona ya go ithuta ka tlhogo mo thutong e. Re tla ithuta mo thutong ya botlhano gore "LEFOKO" le raya Jesu Keresete. Temana e e re bolelela gore "... mme Lefoko ya bo e le Modimo." Fa re re Lefoko (Jesu) ga se Modimo, re latola boammaaruri jwa Baebele.

Temana ya bobedi e re batlang go e bala ke Baroma 9:5. Temana e e bua ka bana ba Iseraele le kafa ba amogetseng molao le ditsholofetso tsa Modimo ka teng. E tswelala go bolela gore Jesu o tsetswe e le motho mo setshabeng sa bone. Ka mantswe a mangwe, kafa tebong ya batho, Jesu e ne e le Moiseraele.

Mme, gore botlhe ba tle ba tlhologanye tlhologo ya nnete ya ga Jesu, go ne ga okediwa mabapi le Keresete gore o godimo ga botlhe, Modimo o o tlotlegang ka bosakhutleng. Boammaaruri jwa gore Jesu ke Modimo ga bo bonwe mo ditemaneng tse pedi tse fela. Re tla ithuta tse dingwe tse le tsone di re tlhalosetsang tlhologo ya nnete ya ga Jesu.

## **2. THATA YA GA JESU GO ITSHWARELA SEBE E SUPA GORE KE MODIMO**

Boleo jotlhe bo kgatthanong le Modimo. Bogologolo tala Kgosi Dafita o rapetse Modimo a re: *"Ke wena, o le nosi fela, yo ke go leofetseng"* Pesalema 51:6. Motho fela yo o ka itshwarelang sebe ke yo o diretsweng boleo. Re tla bona gore Jesu o ne a na le thata go itshwarela sebe. Bala Mareko 2:1-12. Mo ditemaneng tse re ithuta dilo tse di latelang. Jesu o boleetse monna gore dibe tsa gagwe di itshwaretse. Baba ba ga Jesu ba ne ba re ke Modimo fela yo o ka itshwarelang sebe. Ba ne ba bua boammaaruri ka moo. Jaanong ba re Jesu o ne a dira bosula ka gobo o ne a iipha thata e e leng ya Modimo o le osi. Jesu jaanong o fodisa monna gore a tle a supe mo bathong gore o ne a na le thata ya go itshwarela dibe.

A re go akanye ka tsela e, a re re go na le ntlo e e lotletsweng. Re itse gore go na le selotlele se le sengwe mo lefatsheng lotlha se se ka lotlololang setswalo se. Ga re ise re ko re bone mong wa ntlo, mme re itse gore ke ene yo o tshotseng selotlele. Fa re ne re ka bona monna a tla kwa ntlong eo, a tsaya selotlele, a bo a lotlolola setswalo, jaanong re ne re tla itse gore ke ene mong wa ntlo. Re itse gore Modimo o le esi o kgona go itshwarela dibe. Ka jalo, fa re bona Jesu a tla ka thata ya go itshwarela sebe re itse gore Jesu ke Modimo.

## **3. JESU O IPHILE THATA E E LEKANANG LE YA MODIMO**

Bala Johane 5:23. Mo temaneng e Jesu o tlhalosa gore batho ba tshwanetse go mo tlotla jaaka fela ba tlotla Rara. Fa o

simolola o bala mo temaneng ya lesome le bosupa, o tla bona gore Bajuda ba ne ba batla go bolaya Jesu.

Ba ne ba re o ne a ruta gore ke molekane wa Modimo, temana ya lesome le bofera bobedi. Fa Jesu e kabo e ne e se molekane le Modimo, o ne a kabo a baakantse kgopolo ya bone e e phoso. O kabo a ba tlhaloseditse sentle gore ba ne ba sa tlhaloganye le gore o ne a sa re ke molekane wa Modimo. A o dirile jalo? Nnyaa. Mo boemong jwa moo, Jesu o ba boleetse a re: "Batho botlhe ba tshwanetse go tlotla Morwa, fela jaaka ba tlotla Rara."

Gape, gore Jesu ke molekane wa Modimo go rutwa ka botlalo mo go Bafilipi 2:6. Temana e e re bolelela gore Jesu o ne a le mo popegong ya Modimo pele ga a tla mo lefatsheng. Jesu o ne a sa go akanye e le bogagapa go nna molekane wa Modimo. Mo go raya gore Jesu o ne a sa tseye sengwe se e neng e se sa gagwe fa a re ke molekane wa Modimo.

#### **4. JESU O NE A AMOGELA KOBAMELO JAACA MODIMO**

Mo go Ditiro 14:8-18, re bala gore Paulo le Barenabase ba ne ba rera kwa Lisetera. Ka thata ya ga Jesu, ba ne ba fodisa monna yo o neng a sa kgone go tsamaya. Batho ba ba bonyeng kgakgamatso e ba ne ba batla go obamela Paulo le Barenabase. Ba ne ba tshwanetse ba bo ba le medimo e e tswang legodimong. Paulo le Barenabase ba ne ka bofefe ba baakanya phoso e ba bo ba bolelela batho gore ke batho fela jaaka bone. Se ke sone se tota ba tshwanetseng ba bo ba se dirile.

E rile fa Johane a le mo ponatshegelong ya gagwe ya bothokwa a bo a wela fatshe go obamela yo o neng a bua nae, mme o ne a laelwa gore a se ka a dira jalo. Ke Modimo fela o o tshwanetseng go obamelwa. Tshenolo 19:10. Motho yo o neng a bua le Johane o ganne go obamelwa ka gobo a itse gore ke Modimo fela o o tshwanetseng go obamelwa. O dirile sone se o neng a tshwanetse go se dira.

Jaanong bala Johane 20:27-29. Morago ga tsogo ya gagwe, Jesu

o ne a iponatsha mo go Tomase. E rile fa Tomase a lemoga gore tota ke ene Jesu, yo o neng a tsogile mo losong a re: "Morena wa me, le Modimo wa me." A Jesu o mo tshwaile phoso go mmita Modimo? Nnyaa. Jesu o amogetse se a se buileng. O dirile jalo gonne ke Modimo.

## **5. MODIMO O NE O LE MO GO KERESETE**

Fa gongwe batho ga ba batle go tlotla Jesu jaaka fa ba tlotla Rara. Ba bua ka go sotla ba re: "Fa Jesu e le Modimo, moo go raya gore Modimo o sule mo sefapaanong." Ammaaruri, se ke sone tota se Baebele e se rutang. Mo go 2 Bakorinthe 5:19 re bolelelwa se: *"Modimo o no o le mo go Keresete, o itetlanya le lefatshe."*

Re bala gape mabapi le se mo go Ditiro 20:28. Paulo o ne a bua le bagolwane ba kereke ya Efeso. O ba boletse ka mo ba tshwanetseng go tlhokomela kereke ya Modimo ka teng, e o e rekileng ka madi a one. Fa o bala temana e ka kelotlhoko o tla bona gore Paulo o bua ka Modimo. O bitsa kereke "phuthego ya Modimo" a bo a tlatsa, "E o (Modimo) o e itheketseng ka madi a one. "Go dilo di le dintsi tse re sa di tlhaloganyeng. Fa re leba mo tikologong ya rona re bona dilo di le dintsi tse di fetang ditlhaloganyo tsa rona. Fa re sa tlhaloganye dilo tse di tlhodilweng ke Modimo, re tla bo re le dielelele jang go batla go tlhaloganya dilo tse di boteng tsa Modimo. Legale, dilo tse Modimo o di re rutang re ka di dumela. Re bonye fa Baebele e ruta tota gore Jesu ke Modimo. Gongwe ga re tlhaloganye gotlhe mo, mme re ka dumela ka ntlha ya gore Modimo o tsile mo lefatsheng o le mo sebopegong sa motho, wa nna mo bathong wa swela dibe tsa bone gore ba nne le botshelo jo bo sa khutleng ka go dumela mo go ene.

## **DIPOTSO TSA TSHEKATSHEKO YA GAGO**

### **THUTO 3**

1. Nonofa ya ga Jesu go itshwarela boleo e re supetsa gore ke \_\_\_\_\_
2. Johane 14:9 o re bolelela gore mongwe le mongwe yo o boneng Keresete o bone \_\_\_\_\_
3. Fa Tomase a bone Jesu morago ga tsogo o rile, " \_\_\_\_\_ " Johane 20:28
4. Pele ga Jesu a tla mo lefatsheng o ne a \_\_\_\_\_ Bafilipi 2:5-8
5. Re ithuta mo go 2 Bakorintha 5:19 gore Modimo o ne o le mo go \_\_\_\_\_ o ithuanyana le lefatsheng.
6. Jesu o ne a le mo \_\_\_\_\_, o ne a na le \_\_\_\_\_  
\_\_\_\_\_ o ne a le \_\_\_\_\_ Johane 1:1

**SEKASEKA DIKARABO TSA GAGO**

- (6) Tshimologong, Modimo, Modimo  
 (4) Le mo setshwanong sa Modimo (5) Keresete  
 (1) Modimo (2) Kara (3) Morena wa me Modimo wa me

**TLHOMAMISA GORE O BADILE DITEMANA TSE TSA BAEBELE**

- 1 Bakorintha 1:21
- Baroma 9:5
- Pesalema 51:4
- Johane 5:17-23
- Tshenolo 19:10
- 2 Bakorintha 5:19

- Johane 1:1
- Bafilipi 2:6
- Mareko 2:1-12
- Ditiro 14:8-18
- Ditiro 20:28
- Johane 20:27-29

## THUTO 4

# JESU E NE E LE MOTHO YO O SE NANG SEBE

**Temana ya go ithuta ka tlhogo:** *"Mme re na le yo o neng a raelwa mo dilong tsotlhe fela jaaka rona, mme a se ka a leofa."*  
- Bahebera 4:15

## KETAPELE

Mo thutong ya bobedi le ya boraro re ithutile kaga Jesu e le Modimo. Re bonye gore e ne e le Morwa Modimo e bile e le Modimo. Mo thutong e, re tla ithuta se Baebele e se rutang kaga Jesu e le motho ka ditsela tsotlhe jaaka rona kwa ntle ya gore o ne a sena sebe. Gore re tlhologanye tlholego ya nnete ya ga Jesu, re tshwanetse go tlhaloganya gore o tsetswe e le Modimo gape e le motho.

A re go akanye ka tsela e. Motho o ka tshwara papetlana ya ledi mo lebogong la gagwe. O itse gore ke papetlana e le nngwe. O itse le gore papetlana ya ledi e na le dithakore di le pedi. Jaanong tlholego ya Jesu e ka tshwantshiwa le se. Tlholego ya Jesu e ne e le nngwe, mme tlholego e e ne e le gabedi - bo-Modimo le botho.

Jaaka fa re ithuta ka botho jwa ga Jesu gape re bolokeng sentle mo megopolong ya rona gore Jesu ke Modimo.

## 1. JESU E NE E LE MOTHO

Jaanong a re tlhohlomiseng dilo dingwe tse Baebele e di re bolelelang kaga Jesu tse di re dirang go itse gore Jesu e ne e bile le motho.

- (1) Jesu o tsetswe ke mosadi fela jaaka rona. Le fa Modimo e ne e le Rragwe, o ne a tshotswe mo sebopelelong sa ga Maria. A gola, mme a tsholwa jaaka bana botlhe ba bangwe.

Bagalatia 4:4; Luke 1:31, 2:6-7.

(2) Mmele wa ga Jesu o ne o ntse jaaka wa rona. Re itse se ka ntlha ya mabaka a a latelang:

- (a) O godile go tswa bonnyennyaneng go ya bonneng jaaka batho botlhe ba bangwe. Luke 2:52
- (b) O ne a tshwarwa ke tlala le lenyora jaaka batho botlhe ba bangwe. Matheo 4:2; Johane 19:28
- (c) O ne a lapa fela jaaka batho ba bangwe. Johane 4:6

(3) Maikutlo a ga Jesu a ne a tshwana le maikutlo a rona:

- (a) O utlwisitswe bothoko thata ke go swelwa ke tsala mo o bileng a lela. Johane 11:34-36
- (b) O ne a le kutlwelobothoko ya lorato ka ntlha ya go sotlega ga ba bangwe. Matheo 9:35-36
- (c) O ne a amega e bile a tenega ka ntlha ya boleo jwa motho. Mareko 3:5.

## **2. JESU O NE A RAELESEGA JAAKA MOTHO, JAAKA RE RAELESEGA LE RONA**

Bala Bahebera 4:14-15. Mo ditemaneng tse Jesu o bidiwa Moperesiti wa rona yo mogolo. Di tswelela ka gore o ne a raelesega fela jaaka le rona re raelesega. Ga re a tshwanela go akanya gore nako fela e Jesu o neng a raelesega ka yone ke fa Satane a tla kwa go ene morago ga a sena go tlhoka go ja ka malatsi le masigo a le masome mane. Jesu o ne a raelesega gantsi ka ditsela tse dintsi tse di sa tshwaneng.

Ka nako nngwe Satane o bile a raela Jesu ka go dirisa Simone Petero, mongwe wa barutwa. E rile fa Jesu a bolelela barutwa jaaka a tshwanetse go tloga a sotlega a bo a swa, Petero a mmolelela mafoko a bokete, a raya Jesu a re selo sa go nna jalo ga se na go mo dirafalela. Satane o ne a dirisa Petero go raela Jesu go tila loso mo sefapaanong. Fa Satane a ka bo a kgonne go

ya poloko mo bathong. Jesu o ne a tihaloganya sentle se Satane o neng a leka go se dira ka Petoro. Ke sone se o buileng le Petoro jaaka fa a buile. Matheo 16:21-23. Rotlhe re tshwanetse go tihaloganya se. Go na le dinako tse Satane o tla re raelang ka ditsala tsa rona ka tsone go re faposa mo thatong ya Modimo.

Go na le sengwe gape se re tshwanetseng ra se tihaloganya mabapi le dithaelo tsa ga Jesu. O ganne go dirisa thata ya gagwe go tlhofofatsa dithaelo tsa gagwe. E rile fa a bolailwe ke tlala, Satane a mo raela go fetola maje go nna dinkgwe. Jesu o ne a na le thata ya go dira se. Jesu o ganne go dirisa thata ya gagwe go tlhofofatsa dithaelo tse di beilweng mo go ene ke Satane. Ka go reng? Ka gonne jaanong o ne a tla bo a sa raelesega jaaka rona. O ne a kabo ruri a sa tshwane le rona. Fa re dira sekai monna yo o tshwerweng ke tlala yo o thukuthileng batho gongwe a utswa o ne a ka ipata ka gore: "Ee, e rile Jesu a tshwerwe ke tlala a fetolela maje go nna dinkgwe, ga ke kgone go dira se, mme ke ikgorisa ka go utswa." Ka gonne Jesu o sotlegile ka bopelokgale mo bothateng jwa dithaelo tsa ga Satane, o ka tihaloganya ka botlalo mme a re utlwela botlhoko mo mabakeng a dithaelo tsa rona. Jesu o tla re fa thata e e fetang ya ga Satane, fa re ka ikanya mo go ene, mme re tla kgona go fenyana Satane fela jaaka le ene a ile a mo fenyana.

### **3. JESU O TSHEDILE BOTSHELO KWA NTLE GA SEBE**

Bala ditemana tse di latelang: Bahebera 4:15; 2 Bakorintha 5:21; 1 Petoro 2:22. E ke nngwe tsela e ka yone Jesu, jaaka motho, o ne a farologana le batho botlhe. Batho botlhe ba leofile, Jesu ene o ne a ise a ke a leofe.

Jaanong batho ka bontsi ba palelwa ke go lemoga gore go na le ditsela di le pedi tsa go leofa. Tsela ya ntsha ke go dira se re itseng e le bosula. Baebela e re bolelela dilo dingwe tse Modimo o sa batleng re di dira. Fa motho a gana go dira thato ya Modimo o a bo a le kgalhanong le Modimo. Re a bona jaanong gore ke sebe go dira selo se re itseng se sa siama.

Tsela ya bobedi ya go leofa ke go palelwa ke go dira se re itseng gore se siame. Modimo o re bolelela gore go na le dilo dingwe tse re tshwanetseng go di dira. Fa re palelwa ke go dira dilo tse re leofela Modimo. Mo go Jakobe 4:17 re bala mafoko a: *"Jaanong, yo o itseng go dira molemo, mme a sa o dire, o a leofa."*

Fa re re Jesu o ne a sena sebe, re raya gore ga a ise a ko a dire sepe se se bosula fa pele ga Modimo. Ga a ise a ko a dire bosula. Gape ga a ise a ko a palelwe ke go dira tshiamo.

#### **4. BOTLHOKWA JWA GA JESU E LE MOTHO YO O SE NANG BOLEO**

Mo go 2 Bakorintha 5:21, re ithuta gore Jesu yo o neng a sa itse sebe sepe o ne a nna sebe ka ntlha ya rona gore re tle re nne basiami ba Modimo mo go Jesu. Fa Jesu a ne a leofile, o kabo a sa swa mo boemong jwa motho yo o bolelo. O ne a tla sikara kotlhao ya sebe sa gagwe.

Sekai, a re tseye gore batho ba le babedi ba bolaya motho. Ba atholwa ba bo ba bonwa molato. Jaanong mongwe wa bone o raya moatlhodi a re, "A ke swe mo boemong jwa tsala ya me fa." Gone foo moatlhodi o ka araba, "Nnyaa. Lo molato loo-babedi. O tshwanetse go swela ditiro tsa gagwe tse di sa siamang mme le wena o tshwanetse go swela tsa gago." Modira- molato o tshwanetse go bogisegelela molato wa gagwe.

Jaanong Jesu, jaaka motho yo o se nang sebe, ga a ise a ko a dire sebe. O ne a sa tlamege go boga ka ntlha ya sebe. Ke gone ka mo, jaaka motho yo o se nang sebe, Jesu o ne a kgona go boga mo boemong jwa rona badiradibe.

### **DIPOTSO TSA TSHEKATSHEKO YA GAGO**

#### **THUTO 4**

1. Re itse gore Jesu e ne e le motho ka gore o ne a tsetswe ke

2. Mmele wa ga Jesu o ne o tshwana le \_\_\_\_\_  
\_\_\_\_\_
3. Jesu o ne a na le maikutlo a a tshwanang le a rona. O ne a utlwa \_\_\_\_\_ Johane 11:34-36  
\_\_\_\_\_ Matheo9:35-36,  
\_\_\_\_\_ le Mareko 3:5.
4. Bahebera 4:14-15 e re bolelela gore Jesu o ne a raelwa ka tsela nngwe le nngwe e re raelwang ka yone. A Jesu o kile a innela mme a leofa? \_\_\_\_\_  
\_\_\_\_\_
5. Jesu ga a ise a ke a leofe, mme o swetse bolelo. O swetse dibe tsa ga mang? \_\_\_\_\_  
\_\_\_\_\_
6. Bala dithaelo dingwe tse o nang natso tse Jesu o tla go fang nonofo ya go di fenywa, gore o se ka wa leofa \_\_\_\_\_  
\_\_\_\_\_

### SEKASEKA DIKARABO TSA GAGO

Tsa gago le tsa me le tsa batho boitha.  
(1) Mosadi (2) Wa rona (3) Bothoko, a tlhomogela pelo, a hutsafala le kgakalo (4) Nnyaa, Jesu ga a ise a ke a leofe (5)

### TLHOMAMISA GORE O BADILE DITEMANA TSE TSA BAEBELE

Bahebera 4:14-15  
Bafilipi 2:5-8

Johane 10:30  
Bagalatia 4:4

Luke 1:31  
Luke 2:6-7,52  
Johane 19:28  
Johane 11:34-35  
Mareko 3:5  
2 Bakorintha 5:21

Jakobe 4:17  
Mathaio 4:2  
Johane 4:6  
Mathaio 9:35-36  
Mathaio 16:21-23  
1 Petoro 2:22

## THUTO 5

# JESU KE LEFOKO LA MODIMO

**Temana ya go ithuta ka tlhogo:** *"Lefoko leo la nna nama, la aga mo go rona, ra ba ra bona kgalalelo ya lone, e le kgalalelo e e lebanyeng yo o tsetsweng a le esi, e tswa mo go Rara, a tletse bopelo tlhomogi le boammaaruri."* - Johane 1:14

### KETAPELE

Jaaka fa re ithuta Johane 1:1-14 re bala kaga Lefoko. Gongwe o a ipotsa gore: "Lefoko ke mang?" Temana ya tlhogo ya rona e re fa karabo. Re bala gore Lefoko le fetogile nama, mme la tshela le rona. Re itse ka tlhomamo jaanong gore Lefoko ke Jesu. Mme ke go reng Jesu a bidiwa Lefoko? A re go akanye ka mokgwa o o ntseng jaana. A re re o akantse selo sengwe mo pelong ya gago - o tllile go dira jang gore selo se o se akantseng o se itsese ditsala tsa gago? O tshwanetse go ba bolelela. O tla dirisa mafoko gore ditsala tsa gago di itse selo se o batlang ba se itse.

Modimo o rometse Jesu, o e leng Lefoko, go dira gore molaetsa wa one o itsege mo bathong. Ke Jesu yo o dirang gore re itse dilo tseo tse di leng mo pelong ya Modimo. Jesu o dirile molaetsa wa Modimo gore o itsege ka dithuto tsa gagwe le ka ditiro tsa gagwe. Ke gone ka moo Jesu o bidiwang Lefoko. Ke Lefoko la Modimo mo bathong botlhe ka nako tsotlhe. Ka jalo re bona gore "Lefoko" ke lengwe la maina a mantsi gongwe maemo a ga Jesu.

Jaanong, a re boneng dilo dingwe tse ditona tsa boammaaruri tse Jesu, yo e leng Lefoko la Modimo, o re di bontshang kaga Modimo.

### 1. JESU O SENOLA TLHOLEGO YA NNETE YA MODIMO

Jesu o rile: *"Yo o mponyeng o bonye Rara."* - Johane 14:9.

Batho ba le bantsi ba botsa mo dipelong tsa bone ba re, "Sebopego sa nnete sa Modimo se ntse jang?" Ga go kgonege go tthalosa sentle sebopego sa mongwe yo o iseng o ko o mmone, bogolo jang fa mongwe yoo e le Modimo. O tshwanetse go bona motho go tla o mo itse. Ke gone fela mo go dirafetseng ka Jesu. Modimo o re letla gore re mmone mo go Jesu Keresete. Baporofeti ba Kgolagano e Kgologolo ba lekile ka metlhala e le mentsi e e fapaneng go bolelela batho mabapi le sebopego sa nnete sa Modimo. Se ba se buileng ke boammaaruri mme ga ba ise ba ko ba kgone go bolela gotlhe kaga Modimo. Mo go no go itsege fela ka go bona Modimo. Motho o ile a bona ka botlalo le go tthaloganyana Modimo botoka morago ga go bona Jesu Keresete. Ee, Jesu e ne e le Lefoko la Modimo mo mothong gore motho a tle a itse sebopego sa Modimo sa boammaaruri.

## **2. JESU O SENOLA THULAGANYO YA MODIMO YA POLOKO**

Batho mo tikologong ya lefatshe ba utlwa mo dipelong tsa bone gore ba tlhoka Modimo. Ba itse gore ba leofetse Modimo. Ba itse gore sebe se dira dilo go fosega gare ga bone le Modimo. Ba simolola go akanya: "Ke ka siamisa dilo jang fa gare ga me le Modimo?" Mo maitekong a bone a go siamisa dilo ba dira dilo tse di farologanang di le dintsi. Ba bangwe ba obamela mewa ya borraabo-mogolwagolwane, ba bangwe ba obamela medimo ya disetwa, bangwe ba bolaya diruiwa go dira ditlhabelo, bangwe ba latela dithuto tsa batho. Ga go na sepe sa tse se se siameng. Fa motho a batla poloko ya Modimo, a se ka a latela kgopolo ya gagwe gongwe kakanyo ya motho yo mongwe. O tshwanetse go ithuta thulaganyo ya Modimo a bo a e sala morago.

Jesu ke Lefoko la Modimo mo mothong la go re bontsha tsela ya boammaaruri ya poloko. Thulaganyo nngwe le nngwe ya poloko e e farologanang le thulaganyo e Modimo o e supileng mo go Jesu Keresete ke thulaganyo e e maaka. Jesu o rile: "*Ke nna tsela, le boammaaruri, le botshelo, ga go ope yo o ka fitlhang kwa go Rara fa e se ka nna.*" -Johane 14:6.

### **3. JESU O SENOLA KAFA MODIMO O BATLANG BAKERESETE BA TSHELA KA TENG**

Re setse re bonye fa Jesu e le Lefoko la Modimo mo bathong le gore o bontsha togamaano ya Modimo ya poloko ya batho. Jesu e bile ke Lefoko la Modimo mo mothong yo o bolokilweng go direla gore motho yo o bolokilweng a tle a itse kafa o tshwanetseng go tshela ka teng. Mokeresete o tshwanetse go bala Baebele ka kelotlhoko le go sekaseka sentle botshelo jwa ga Jesu. Go tla fitlhelwa mo botshelong jwa ga Jesu gore thata ya Modimo e ne e le kwa godimo ga dilo tsotlhe. E rile Jesu a gopola pogo e kgolo e o tla e bonang mo sefapaanong a rapela Modimo a re: *"Rra, fa go ka kgonega, mme go dirafale kafa wena o ratang ka teng."* - Matheo 26:39.

Fa go ne go na le tsela nngwe ya go tla matlhotlhapelo a papolo, Jesu o ne a batla go e tsaya, mme keletso ya gagwe ya go dirafatsa thato ya Modimo e ne e fekeetsa keletso ya gagwe ya go falola pogo e e neng e tshwanetse go tla. Re na le tsela ya poloko gompieno ka gonne Jesu o ne a eteleditse pele thato ya Modimo go na le keletso ya gagwe. Re ka bolokesega ka go mo ikanya.

Re tshwanetse gape ra gakologelwa se. Jesu e ne e le Lefoko la Modimo mo bathong botlhe. Ga a a ka fela a bolelela batho gore ba tshwanetse go ikobela Modimo, mme o ba bontshitse kafa ba tshwanetseng go ikobela Modimo ka teng. Ba tshwanetse go mo ikobela ka go dira thato ya Modimo pele ga tsotlhe mo matshelong a bone.

### **4. JESU O SENOTSE BOAMMAARURI KAGA BOTSHELO MORAGO GA LOSO - Johane 14:1-6**

Morutabana ga a kake a ruta dithuto tse di thata mo sekoleng se se botlana. Ke gone fela ba simlolang go ithuta, jalo ba tshwanetse ba rutwa dilo tse di motlhofo pele. Fa ba setse ba ithutile dilo tse di motlhofo, ke gona ba ka ithutang tse di thata. Kgologano e Kgologolo e tshwana le sekole se se botlana.

Dithuto tsa ntlha tse di bothokwa di rutwa mo go yone mme dithuto tseo di tshwanetse go ithutiwa sentle. Mme mo go Jesu re bona go tlhaloganya mo go tletseng ka Modimo le ka dilo tsa botshelo jo bo sa khutleng. Dithuto mabapi le botshelo morago ga loso di sedimosegile botoka mo Kgolaganong e Ntsha go na le Kgolagano e Kgologolo. Jesu e ne e le Lefoko la Modimo le le dirileng gore dinnete tse di tlhalosege mo go rona.

Re tla bo re ithuta ka botshelo morago ga loso mo thutong ya lesome le bongwe. Ka lobakanyana lo, a re bolokeng mo megopolong gore Jesu ke Lefoko la Modimo mo go rona. Fa re batla go tlhaloganya nnete ya botshelo morago ga loso, re tshwanetse go utlwa ene.

## **5. JESU KE LEFOKO LA MODIMO LE LE FELETSENG MO BATHONG**

Fa boammaaruri bo setse bo boletswe, ga go tlhokafale gore go okediwe ka sengwe. Mo go Jesu Keresete Modimo o boletse nnete e e tletseng kaga gagwe, poloko, le botshelo jwa sekeresete. Mo go Bakolose 1:15 re bala malebang le Jesu: "Ke ene setshwano sa Modimo o o sa bonweng." Modimo o senotswe ka boitekanelo mo go Jesu Keresete.

Ka jalo fa motho a batla go itse boammaaruri ka Modimo, o tshwanetse go ithuta boammaaruri jo mo go Jesu Keresete. Batho bangwe ba re: "Mme Modimo o re boleletse ka Jesu go gaisa mo go kwadilweng mo Baebeleng. Re na le Baebele mme re na le tse di boammaaruri tse dingwe gape." Ke maaka! Dilo tse Modimo o re di bontshitseng kaga gagwe di feleleditswe mo go Jesu Keresete. Modimo o senotse setshwano sa one se se feleletseng mo go Jesu Keresete. Mowa oo Boitshepo o re ranolela selo se mme o bile gape o re gogela kwa boammaaruring jotlhe.

Fa setshwantsho se dirilwe se itekanetse. Fa go ka okediwa ka sengwe mo go sone gongwe fa go tloshiwa sengwe, se tla senyega. Modimo o tshwantshiwa bontle mo go Jesu Keresete. Fa mongwe

a leka go fokotsa kgotsa a oketsa setshwantsho sa Modimo se re se bonang mo go Keresete, o senya setshwantsho.

Modimo o buile sentle ka ba ba batlang go fetola Baebele ka tsela nngwe. Mo lokwalong lwa bofelo lwa Baebele go tlhalositswe gore mongwe yo o tlang ka "dikoketso" ga a tswe kwa Modimong. *"Ke tlhagisa mongwe le mongwe yo o utlwang mafoko a polelelo pele ya lokwalo lo, ka re: Fa motho a ka a oketsa, Modimo o tla mo okeletsa dipetso tse di kwadilweng mo lokwalong lo. Gape: Fa motho a ka tlosa sengwe sa mafoko a lokwalo lo lwa polelelo pele, Modimo o tla tlosa kabelo ya gagwe mo setlhareng sa botshelo, le mo motseng oo boitshepo, tse di kwadilweng mo lokwalong lo."* - Tshenolo 22:18-19.

## DIPOTSO TSA TSHEKATSHEKO YA GAGO

### THUTO 5

1. Mo go Johane 1:14 "Lefoko ke \_\_\_\_\_"  
\_\_\_\_\_
2. Jesu, lefoko ke \_\_\_\_\_ wa Modimo  
mo go \_\_\_\_\_ mongwe le mongwe.
3. Fa re batla go siamela Modimo, re tshwanetse go itse gore  
Jesu ke \_\_\_\_\_ le \_\_\_\_\_  
\_\_\_\_\_ le \_\_\_\_\_  
Ga go tle ope mo go Rara, fa ese ka \_\_\_\_\_ Jesu. Johane 14:6.
4. Selo se se ne se le botlhokwa thata mo botshelong jwa ga  
Jesu e ne e le go dira \_\_\_\_\_
5. Fa mongwe a oketsa mo go se se kwadilweng mo Baebeleng  
gongwe a fokotsa mo go se se kwadilweng mo Baebeleng ke  
\_\_\_\_\_
6. \_\_\_\_\_ o supa ka gotlhe gore  
Modimo ke mang.

## SEKASEKA DIKARABO TSA GAGO

(1) Jesu Keresete (2) Molaetsa (3) Tselä, boammaauri,  
botshelo. (4) Thato ya ga Kara Modimo (5) Maaka (6) Jesu

## TLHOMAMISA GORE O BADILE DITEMANA TSE TSA BAEBELE

Johane 1:4,14

Mathaio 26:39

Tshenolo 22:18-19

Johane 14:1-6,9

Bakolosa 1:15

## THUTHO 6

# JESU O NA LE THATA YOTLHE

**Temana ya go ithuta ka tlhogo:** *"Jesu a tla kwa go bone, a bua nabo a re: Thata yotlhe ke e neilwe kwa legodimong le mo lefatsheng."* - Matheo 28:18

### KETAPELE

Jesu o ne a swetse mo sefapaanong. Mo letsatsing la boraro o ne a tsoga mo losong. Ka lobaka lwa malatsi a le masome mane o ne a ntse a kopana le barutwa ka dinako tse di farologanyeng. Barutwa ba ba itsile e le ruri gore Jesu yo o neng a swetse mo sefapaanong a bo a fitlha o tsogile. Ba ne ba mmonyeng. Ba ne ba buile le ene. Ba bo ba mo tshwere ka diatla tsa bone. Morago ga malatsi a le masome mane Jesu a biletsa barutwa felo go le gongwe. O ne a bua le bone mafoko a re a bonang mo temaneng ya tlhogo ya thuto e: "Thata yotlhe ke e neilwe kwa legodimong le mo lefatsheng." O ne a batla gore ba tlhaloganye sentle mabapi le thata ya gagwe. E rile a sena go fetsa go bua le barutwa, o tlhatogotse kwa legodimong. Ba eme ba lebeletse jaaka a nyelelela mo marung.

Bakeresete ga ba obamele Mmoloki yo o suleng e bile a fitlhilwe. Ba obamela yo o tsogileng, yo o tshelang, Mothata-yotlhe, Morwa Modimo. E rile Jesu a santse a tshela mo lefatsheng a supa thata ya gagwe ka mekgwa e le mentsi ka dinako tse di farologanang. Mo thutong e re tla bo re ithuta dingwe tsa ditsela tse Jesu o supileng thata ya gagwe mo go tsone.

### 1. JESU O NA LE THATA YA GO LAOLA TLHOLEGO

(1) Re itse se fa re bona thata ya gagwe ya go kgalemela phefo le lewatle. Matheo 8:23-27

(2) Re itse se fa re bona thata ya gagwe ya go tsamaya mo godimo ga metsi. Johane 6:17-21

(3) Re itse se fa re bona jaaka fa a ne a na le thata go ntsifatsa dinkgwe tse tlhano le ditlhatswana di le pedi gore dikete tse tlhano tsa batho di kgone go ja. Ya re,

morago ga botlhe ba sena go ja, ga sala difo tse di lekaneng go tlatsa diroto tse di lesome le bobedi. Jesu ga a ka a kgorisa fela batho ba ba dikete tlhano ka ditlhapi tse pedi le dingwe di le tlhano fela, ka gonne dijo tse dintsi, di ne tsa sala, di feta tse o neng a na natso kwa tshimologong. Johane 6:5-14

(4) Re itse se fa re bona thata ya gagwe ya go kgalemela setlhare se setala mme a dira gore se omelele mme go bo go nna jalo. Matheo 21:18-21

(5) Ga se thata ya go dira magodimo le lefatshe fela e Jesu o nang le yone mme gape le thata ya go kganela dilo tsothle go senyega. Lefatshe le re tshelang mo go lone gompieno le ne le ka wa la bo la phatlakana fa e ne e se ka thata ya ga Jesu. Tsatsi lengwe le lengwe re letlelelwa go tshela mo lefatsheng le ka ntlha ya thata ya Jesu. Bakolosa 1:16-17

## **2. JESU O NA LE THATA YA GO LAOLA MEWA E E BOSULA**

Baebale e ruta gore go na le mewa e e busula e e obamelang Satane. Baebale gape e re ruta gore thata ya ga Jesu Keresete e feta thata ya mewa e e bosula go menaganye. Motho yo o kafa tlase ga thata ya ga Jesu o ka nna le phenyo godimo ga dithata tsothle tsa ga Satane.

Mafelo a le mantsi mo Kgolaganong e Ntsha a re supetsa gore nonofo ya ga Jesu e kgolo go feta ya ga Satane le mewa e e bosula ya gagwe ka teng. A re lebeng nngwe ya mafelo a. Bala Luke 8:26-39 ka kelotlhoko. Ditemana tse di tlophile ka gore di supa sentle tiro ya ga Satane. Tiro ya ga Satane ke go senya. O kgatthanong le Modimo le gotlhe mo go itumedisang Modimo. Fa mewa e e bosula e ne e le mo pelong ya monna yo e ne e batla go mo nyeletsa.

Jesu o ne a e lelekela ntle ka thata ya gagwe. Mewa e ya gorometsegela mo dikolobeng dingwe tse di neng di fula gaufi le foo. Ya dira dikolobe gore di ipolaye ka go itathela mo lewatlang. Ee, thata ya ga Satane ka gale e dira go senya se se siameng.

Ka metlha thata ya ga Jesu e kgona go thusa ba tota ba batlang

go amogela thuso ya gagwe. Re ka amogela thuso e re e tihokang ka gonne thata ya ga Jesu e kgolo go feta dithata tsotlhe tsa ga Satane.

### **3. JESU O NA LE THATA YA GO FODISA MALWETSE**

Batho ba le bantsi ba ne ba fodisiwa ka thata ya ga Jesu. A re sekasekeng bangwenyana ba bone.

(1) Lepero e ne e le bolwetse jo bo maswe jwa letlalo jo ope o ne a sa akanye gore bo ka fodisiwa ka lobaka lwa ga Jesu. Mo go Mareko 1:40-43 re bala kafa monna yo o neng a tshwerwe ke lepero yo o ne a tla kwa go Jesu go kopa thuso ka teng. Jesu o mo fodisitse ka go mo ama ka seatla sa gagwe.

(2) Mo go Mareko 5:25-34 re bala ka mosadi yo o neng a lwetse dingwaga di le lesome le bobedi. O ne a lekile dingaka tse dintsi mme o ne a senyegetswe ke madi otlhe a gagwe a leka gore a fole. Go ne go se ope yo o kgonneng go mo thusa, mme e rile fa a tshwara seaparo sa ga Jesu a fola ka ponyo ya leitlho.

Go na le dikai di le dintsi tse dingwe tsa kafa Jesu o neng a fodisa balwetse ka teng, mme ga re ketla re di bala mo thutong e. Go na le selo sengwe se re batlang go se boloka sentle mo ditlhaloganyong tsa rona. Ga go ise go ke go nne le bolwetse jo Jesu o neng a palelwa ke go bo fodisa. O ne a na le thata e e lekaneng go fodisa malwetse otlhe.

### **4. JESU O NA LE THATA GO ITSHWARELA SEBE**

Potso e aga e bodiwa: "Ke ka amogela boitshwarelo jwa dibe tsa me jang?" Batho bangwe ba leka go bona boitshwarelo ka go boolelela moruti dibe tsa bone. Ba bangwe ba solofela go bona boitshwarelo ka go nna leloko la kereke. Go na le ba bangwe ba ba solofelang go a mogela boitshwarelo ka go kolobediwa. Baebele e re ruta gore ga go epe ya dilo tse e e nang le thata ya go itshwarela dibe. Kolobetso e latela boitshwarelo.

Ke Jesu fela yo o nang le thata go itshwarela dibe. Bala gape Mareko 2:1-12. Tihomama thata mo temaneng ya lesome. Jesu ga a bua fela fa a na le thata ya go itshwarela dibe mme o supile

thata eo. O ne a fodisa monna yo o neng a tlisitswe kwa go ene.

Fa o senka boitshwarelo jwa dibe, itse gore go na le boitshwarelo jwa dibe mo go Jesu Keresete a le nosi. - Baefeso 1:7; Ditiro 4:12; Ditiro 10:43.

## 5. JESU O NA LE THATA YA GO FENYA LOSO

Bala ditemana tse di latelang: Matheo 9:23-26; Luke 7:11-17; le Johane 11:1-46. Mo temaneng nngwe le nngwe ya tse, re bala kafa Jesu o buseditse mongwe yo o neng a sule botshelo ka teng. Ba ne ba sa idibala fela. (1) Mosetsanyana o ne a sa bolo go swa mo e leng gore ditsala di ne di setse di kokoanye kwa ntlong mme ba lela le ba lelapa. (2) Ba ne ba setse ba isa ngwana wa motlholagadi kwa felong ga tidimalo gore ba tle ba fitlhe setoto sa gagwe mo phupung. (3) Lasaro o ne a sule lobaka lwa malatsi a mane mme a setse a bolokilwe, kgaitsadie o supile fa a ne a simolotse go bola. Jesu o supile thata ya gagwe ya go fenya loso ka go busetsa botshelo mo go botlhe ba.

Mo thutong ya boferabongwe re tla tswela go ithuta kaga thata ya ga Jesu ya go fenya loso. Re tla bona gore o ne a na le thata ya go itshedisa gape o na le thata ya go naya botshelo go botlhe ba ba swang.

A rona ba re leng Bakeresete re tlale ka boitumelo! Re ikanye re bo re latele ene yo o fetang go nna moruti kgotsa moporofeti fela. Ke Morwa yo o tshelang wa Modimo le gone o na le thata yotlhe mo legodimong le mo lefatsheng.

## DIPOTSO TSA TSHEKATSHEKO YA GAGO

### THUTO 6

1. Dingwe tsa dilo tse Jesu o di dirileng tse di supang nonofo ya gagwe ya go laola tlholego ke

(a) Go djdimatsa \_\_\_\_\_  
le \_\_\_\_\_ Matheo 8:23-27

(b) Go tsamaya mo godimo ga \_\_\_\_\_ Johane  
6:17-21

(c) Go fepa batho ba ba fetang 5,000 ka

\_\_\_\_\_ le \_\_\_\_\_ Johane  
6:15-19

(d) Go laola setlhare se se tala sa feige go \_\_\_\_\_  
\_\_\_\_\_ Matheo 21:18-21

(e) Go \_\_\_\_\_ lefatshe le  
o le tlhodileng Bakolosa 1:17

2. Fa Jesu a fodisa monna yo o ne a na le lepero le mosadi yo o lwetseng ka dingwaga di le 12 o supile gore o na nonofo go fodisa \_\_\_\_\_
3. Sebe se itshwarelwa ke \_\_\_\_\_ a le esi. Baefeso 1:7; Ditiro 10:43
4. Fa Jesu a tsositse Lasaro, le morwadia Jairo le morwadia motlholagadi o supile gore o na le nonofo ya go fenyaa \_\_\_\_\_

### SEKASEKA DIKARABO TSA GAGO

(1) (a) Phefo le lewatle (b) Metsi (c) Ditlhapi tse 2 le dinkgwe di le 5 (d) Omelela (e) Tshwarataganya (2) Bolwetsi (3) Jesu Keresete (4) Loso

### TLHOMAMISA GORE O BADILE DITEMANA TSE TSA BAEBELE

Bakolosa 1:16-17  
Mathaio 8:23-27  
Johane 6:5-14,16-21  
Luke 8:26-39  
Mareko 5:25-34  
Baefesia 1:7  
Ditiro 10:43  
Luke 7:11-17

Mathaio 28:18  
Johane 11:1-46  
Mathaio 21:18-21  
Mathaio 9:23-26  
Mareko 2:1-12  
Mareko 1:40-45  
Ditiro 4:12

## THUTO 7

# JESU KE KWANA YA MODIMO

**Temana ya go ithuta ka tlhogo:** *"E rile letsatsi le le latelang a bona Jesu a tla go ene a re: Bonang, Kwana ya Modimo, e e tlosang boleo jwa lefatshe!"* - Johane 1:29

### KETAPELE

Mo thutong e re tla bo re ithuta ka Jesu yo e leng Kwana ya Modimo. Mo lobakeng lwa Kgolagano e kgologolo kwanyana e ne e dirisiwa go nna setlhabelo bakeng sa sebe. Modimo o ne o file batho ditaelo tse di tlhamaletseng ka ga ditlhabelo mme batho ba tlhaloganya ditaelo tse. Ke ka moo, e rile fa Johane Mokolobetsi a bua ka Jesu e le "Kwana ya Modimo" mafoko a ne a utlwala sentle mo bathong ba ba neng ba a reeditse. Re tshwanetse ra ithuta ka dikwanyana tsa setlhabelo tsa Kgolagano e Kgologolo gore mafoko a, kaga Jesu, a tlhaloganyesega mo go rona jaaka a ne a tlhaloganyesega mo bathong ba lobaka lwa ga Johane Mokolobetsi. Fa re ka tlhaloganya kaga tsone, re tla tla re tlhaloganya ka tsela e e botoka gore Jesu ke mang le gore o re diretse eng.

### 1. KE KANTLHA YA ENG KWANA E TLHOKEGA

Go na le melao e le mentsi mo Kgolaganong e Kgologolo e Modimo o e fileng batho ba one. Go ne go na le dilo dingwe tse ba ne ba sa tshwanela go di dira. Fa motho a itse thato ya Modimo mme a gana go e dira, motho yoo o leofetse Modimo. Sebe ke go gana thato ya Modimo gore re tle re dire thato ya rona. Isaia 53:6.

Jaanong a re gopoleng sekai sa motho yo o neng a tshela mo lobakeng lwa Kgolagano e Kgologolo. A re re monna yo o ne a leofetse Modimo. Morago ga a sena go dira sebe a utlwa bothoko thata mme a simolola go akanya: "Ke ka dira eng?"

A ya kwa moperesiting mme a re: "Ke leofetse Modimo. Ke tshwanetse ke dire eng?"

Moperesiti o ne a tla mo tlhalosetsa gore sebe se molato thata

fa pele ga Modimo. Motho o tshwanetse go se otlhaelwa. Modirasebe o tshwanetse kwatlhao ya sebe sa gagwe gongwe mongwe o tshwanetse go bogela kwatlhao mo boemong jwa gagwe. Moperesiti o tla tswelela go mmolelela gore Modimo o dirile thulaganyo gore kwanyana e ntshiwe setlhabelo ka ntata ya sebe. Ka mantswe a mangwe, kwanyana e ne e tshwanetse go bogela kwatlhao ya sebe mo boemong jwa yo o dirileng sebe. Jaanong ke gone motho a bo a ka itshwarelwa. Bala Lefitiko 4:32-35.

A re re monna a bo a botsa: "Mme rra, nte ke go bolelele sebe sa me, mme gongwe Modimo o tla intshwarela?" Moperesiti o na a tla bo a tshwanetswe ke go fetola ka gore: "Nyaa. Kafa thulaganyong ya Modimo, fa go nang le sebe, go tshwanetse ga nna le loso go duela kwatlhao ya sebe,." Gongwe motho o tla bo a re: "Mme, rra, fa ke solofetsa gore ga ke kitla ke leofa gape, a sebe se se ne se sa ka ke sa itshwarelwa kwa ntle ga setlhabelo sa kwana ya me?" Moperesiti o tla bo a tshwanetswe ke gore: "Nnyaa, sebe sa gago se setse se dirilwe. Mme kafa thulaganong ya Modimo, gore go nne le boitshwarelo jwa dibe, go tshwanetse ga nna le tshololo ya madi." Bahebera 9:22. Kwa bofelong motho o tla bo a lemoge gore o ka amogela boitshwarelo jwa dibe fela ka go obamela lenaneo la Modimo. Lenaneo kgotsa thulaganyo e ke ya go ntsha setlhabelo sa kwanyana mme bokhutlo e nne itshwarelo ya dibe. Thulaganyo e ke ya go ntsha kwana gore e nne setlhabelo gore go bonwe boitshwarelo jwa dibe.

## 2. GO TLHOKEGA KWANA YA MOFUTA MANG

Modimo o papamatsa sentle mo Baebeleng gore kwanyana e tshwanetse ya bo e le e e itekanetseng. Kwanyana e e lwalang gongwe e golafetse gongwe e sa itekanela ka tsela nngwe e ne e sa amogelesege mo Modimong. Fa kwana e ne e lerilwe moperesiti o ne a e tlhatlhoba ka kelotlhoko go tlhomamisa gore e ne e na le tsotlhe tse di neng di batlega mo molaong wa Kgologano e Kgologolo.

Jesu, Kwana ya Modimo, o ne a itekanetse. O ne a se na sebe. Jesu, moitekanedi yo o se nang sebe, o ne a na le tsone tse Modimo o ne o re di tlokega gore a tle a nne kwana ya rona ya setlhabelo. Modimo, ka sebele, o ne o re ka Jesu: "*Yoo ke Morwaake yo o rategang, yo ke mo itumelelang.*" - Matheo

3:17.

### 3. GO SWA GA KWANA MO BOEMONG JWA MOLEOFI

Mo Kgolaganong e Kgologolo, morago ga motho a sena go tla ka kwana moperesiti o ne a e sekaseka ka kelotlhoko. Fa kwana e ne e amogelesega, dilo di le pedi di ne di dirafala.

**Sa ntlha**, motho o ne a baya diatla tsa gagwe mo godimo ga tlhogo ya kwana mme a ipolela dibe tsa gagwe. Se e ne e le sesupo sa gore sebe se tloswa mo mothong mme se bewa mo kwaneng.

**Sa Bobedi**, kwana e e neng e pegilwe sebe le molato wa motho e ne e tshwanetse go swa. Moperesiti o ne a tsaya kwana mme a e bolae kafa molaong o o filweng ke Modimo. Kwana e e se nang molato e swetse motho yo o molato.

Se ke sone se se dirafetseng fa Jesu a swa mo sefapaanong. Jaaka kwana, Jesu, Kwana ya Modimo, o tshotse dibe tsa rona a di sikara ka boene. O sotlegile a bo a swa ka ntlha ya dibe tsa rona. Se se dirilwe gore re tle re nne le boitshwarelo jwa dibe le botshelo jo bo sa khutleng. Bala ka kelotlhoko 2 Bakorintha 5:21.

### 4. TSELA YA GO ITSHWARELWA MALEO

Pele ga re fetsa thuto e, re tshwanetse go tshloganya dilo dingwe ka botlalo. Dilo tse di ne di le boammaaruri mo lobakeng lwa Kgolagano e Kgologolo mme di ntse di boammaaruri le gompieno. Fa motho a batla boitshwarelo jwa dibe tsa gagwe dilo tse di latelang di tshwanetse tsa dirafala:

- (1) O tshwanetse go lemoga gore o leofetse Modimo. Baroma 3:23.
- (2) O tshwanetse go ikwatlaela boleo ka pelo yotlhe, a nne le keletso ya go tlogela sebe sotlhe sa gagwe. Modimo ga o kitla o amogela sethabelo fa go se na tshokologo ya nnete. Amose 5:21-24.
- (3) O tshwanetse a amogela thulaganyo ya Modimo ka ga boitshwarelo. Go na le tsela e le nngwe fela e re ka

itshwarelwa ka yone mme ke ka go tsena ka Kwana ya Modimo, Jesu Keresete. Ditiro 5:31.

Jaanong ka re tlhaloganya dilo tse di fa godimo ka kwana ya setlhabelo, re ka tlhaloganya botoka se Johane Mokolobetsi o neng a se raya fa a bitsa Jesu "Kwana ya Modimo." O ne a raya gore Jesu ke Mmoloki yo o se nang sebe yo Modimo o mo rometseng mo lefatsheng go swela dibe tsa rona.

## DIPOTSO TSA TSHEKATSHEKO YA GAGO

### THUTO 7

1. Ke mang yo o bidiwang Kwana ya Modimo mo Kgolaganong e Ntsha? \_\_\_\_\_
2. Mo Kgolaganong e Kgologolo setlhabelo sa konyana ka ntlha ya sebe se ruta gore \_\_\_\_\_
3. Mo go Baroma 6:23, re itse gore maduo a sebe ke \_\_\_\_\_
4. Mo Kgolaganong e Kgologolo konyana e e ne e tlhabelwa sebe e ne e tshwanetse go \_\_\_\_\_
5. Jesu Keresete ke Kwana ya Modimo ya setlhabelo ka gonne o ne a se na selabe gongwe bogole. Se se raya gore Jesu Keresete o ne a se na \_\_\_\_\_
6. Baroma 3:23 o re bolelela gore \_\_\_\_\_ ba leofile
7. Jesu o swetse \_\_\_\_\_

### SEKASEKA DIKARABO TSA GAGO

(1) Jesu Keresete (2) Sebe se tshwanetse go otlhailwa ka loso. (3) Loso (4) Itsheka le go sena selabe gongwe bogole. (5) Sebe (boleo) (6) Botlhe (7) Baleofi botlhe.

**TLHOMAMISA GORE O BADILE DITEMANA TSE TSA  
BAEBELE**

Johane 1:29  
Bahebera 9:2  
Bahebera 7:27  
Amose 5:21-24

Isaia 53:6  
2 Bakorintha 5:2  
1 Petere 3:18  
Ditiro 4:12

Lefitiko 4:32-3  
Mathaio 3:17  
Baroma 3:23

## THUTO 8

### JESU KE MMOLOKI

**Temana ya go ithuta ka tlhogo:** *"O tla belega mosimane, mme wena o bitse leina la gagwe Jesu; gonne ke ene yo o tla gololang batho ba gagwe mo dibeng tsa bone."* - Matheo 1:21.

#### KETAPELE

Mo thutong ya bosupa re ithutile se Jesu o se dirileng go kgona gore a tle a re boloke. O sule jaaka Kwana ya Modimo ka ntlha ya dibe tsa rona. Ke sone se re mmitsang "Mmoloki." Mo thutong e re ithuta ka Jesu e le Mmoloki le ka poloko e o e e fang botlhe ba ba ikotlhaelang dibe tsa bone ba bo ba mo ikanya.

#### 1. JESU KE ENE FELA MMOLOKI

Gantsintsi potso e a bodiwa: "Fa motho a le wa tumelo e sele jaaka Iselam, Bohindu, jalojalo, a motho yoo o tla bo a sa bolokwa? Baebele e araba ka gore: "Nnyaa, Jesu, Morwa Modimo, ke ene fela yo o ka bolokang."

A re ke re re monna o batla go tsaya loeto. Go na le tsela e le nngwe fela e e tla mo isang koo o ratang go ya gone. Motho yoo o tlhakatlhakana tlhogo fa a baakanya go simolola loeto lwa gagwe. Mo kakabalong ya gagwe o tlhophisa tsela e e seng yone. Ka phoso o tsaya tsela e e yang go sele. O ithaya a re o tshotse tsela e e siameng. Lefa a ithaya jalo ga a kitla a goroga kwa o yang teng. Batho ba le bantsi ba tshwana le monna yoo, ba ikanyegile mme ba phoso. Mo go Diane 14:12 re bala mafoko a: *"Go na le ditsela tse motho o reng di siame, mme la bofelo ke ditsela tsa loso."*

Jesu o a go papamatsa gore ga go motho ope yo o ka tlang kwa Modimong fa e se ka ene. Johane 14:6

Mo go Ditiro 4:12 re bala mafoko a: *"Mme ga go na poloko mo go ope o sele; le gona ga go na leina lepe le sele fa tlase ga legodimo, le le neilweng batho, le re tshwanetseng go bolokiwa ka lone."*

Ditemana tsa Baebete tse di fa godimo di re ruta gore fa motho a ikanya mongwe o sele go na le Jesu Keresete mo polokong, motho yoo o fapogile tsela.

## 2. JESU O RE BOLOKA MO SEBENG

Se se latelang se re tshwanetseng go se tshaloganya kaga Jesu, yoo e leng Mmoloki, ke gore Jesu o boloka mo sebeng. Batho bangwe o ka re ba dumela gore fa ba nna Bakeresete ba tla bolokwa mo malwetsing le mo matshwenyegong otlhe. Jalo fa bolwetse le matshwenyego di tla mo go bone ba bona gore Jesu o paletswe ke go ba direla dilo tsothle tse o tshwanetseng go di dira. Mo ke ka gore ga ba ise ba tshaloganye mofuta wa Mmoloki o Jesu o leng one. Fa re bala mo Baebeleng kaga matshelo a barutwa ba ga Jesu re tla bona gore ba sotlilwe ke matshwenyego a mantsi. Ba ne ba bediwa. Bangwe ba tsentswe mo kgolegolong, ba bangwe ba bile ba bolaiwa. Dilo tse di ba dirafaleitse ka gore ba ne ba setse Jesu morago sentle eseng ka gore ba ne ba dirile bosula bongwe. Ba ne ba sa ngongorege lefa go ntse jalo. Ba ne ba itse gore ba bolokilwe mo dibeng tsa bone le gore ba ne ba na le legae le le nnetseng ruri kwa legodimong le ene. Jaanong a re akanyeng mmogo mabapi le poloko mo sebeng.

(1) **Jesu o re boloka mo kotlhaong ya sebe.** Bala Matheo 25:46; Luke 16:19-31; Tshenolo 20:11-15. Mo ditemaneng tse re ithuta gore go na le lefelo le go nang le kotlhao e e boitshegang ka gale e le ya ba ba ganang tsela ya Modimo gore ba tle ba tsamaye mo dibeng tsa bone. Kotlhao e e sa khutleng e, ke tuelo ya sebe. Jesu o sule mo sefapaanong a bo a sotlega mo boemong jwa rona gore re se ka ra tla ra rwala kotlhao ya dibe tsa rona. Re a bona jaanong gore Jesu o re boloka mo kotlhaong ya sebe.

(2) **Jesu o re boloka mo thateng ya sebe.** Fa batho ba leka go ntsha sebe mo matshelong a bone ba bona ka bonako gore sebe se na le thata e kgolo. Ba lemoga gore ga ba na thata ya go tlosa dibe tsa bone. Bala Baroma 7:18.

Fa motho a nna Mokeresete, Jesu o mmoloka mo thateng ya sebe. Jesu o tsenya Mowa o o Boitshupo mo pelong ya Mokeresete. Jalo Mokeresete a kgone go fenywa sebe

ka ntlha ya thata ya ga Jesu e e mo teng ga gagwe.

- (3) **Jesu o re boloka mo sebe se leng teng.** Motho yo o seng Mokeresete o rata sebe. O batla ditsela tsa go dira sebe. Gongwe o rata matlo a majalwa. Gongwe o rata mataese, dibe tsa boaka, gongwe sebe sengwe fela. Fa go ne go se na nako ya go leofa motho yo eseng Mokeresete o ne a tlaabo a hutsafetse thata. A re tseeng sekai: motho yo o ratang bojalwa ka pelo ya gagwe yotlhe o a hutsafala fa a sa bo bone gope.

Mme Mokeresete ene o farologanye. O na le pelo e ntsha. O rata thato ya Modimo e direga mo botshelong jwa gagwe. Ke ka moo go nna teng ga sebe e leng letshwenyo le legolo mo go ene. Mme tsatsi lengwe Jesu o tla boloka Bakeresete botlhe mo matshwenyegong otlhe a tlišwang ke sebe. Jesu o tla tsaya Bakeresete gore ba tšhele le ene kwa legodimong ka bo sa yeng kae. Ko legodimong ga go ketla go nna le bolwetsi, bofutsana, loso, tlala, lefa e le matshwenyego ape. Bala Tshenolo kgaolo 21 le 22. Se, se tla re thusa go tlhaloganya gore gotlhe go tla nna boipelo le boitumelo mo lefelong le Modimo o le baakanyeditseng bana ba one go tshela gone. Johane 14: 1-3.

### **3. JESU O RE BOLOKELA BOTSHELO GO DIRELA MODIMO**

Jaaka e le Mmoloki, Jesu o dira go feta go re boloka mo sebeng. O re boloketse maikaelelo gore re tle re tšhele matshelo a a itumedisang mo Modimong. Letsatsi lengwe moruti o ne a bua le batho bangwe kaga sebe se se neng se atile bobo mo gareng ga bone. Ba ne ba sa lemoge gore se ne se le maswe thata mo matlhong a Modimo. Moruti a ba tlhalosetsa bomaswe jwa sone. E rile fa a fetsa go bua, mongwe wa batho ba a raya moruti a re: "Mme re tla tshwanelwa ke gore re nne le dipelo tse dintsha pele ga re ka dira jaaka fa o ruta."

Seo ke sone tota se Jesu o se direlang motho fa a mmoloka. O mo fa botshelo le pelo e ntsha. Mo go 2 Bakorinthe 5:17 re bona mafoko a: *"Mme ke gona, fa motho a le mo go Keresete, o a bo a le sebopiwa se sasha: dilo tsa bogologolo di fetile; bonang, di ntshafetse tsoitlhe."*

Fa motho a na le pelo e ntsha o batla go dira thato ya Modimo. Go ne go na le monna yo e neng e le moleofi yo motona. A dira dilo di le dintsi tse di bosula mme e re fa a feta mo tseleng bontsi jwa batho bo mo tshabe. Bosigo bongwe monna yo a ya kerekeng mme a feta a naya pelo ya gagwe go Jesu. O ne a ikanya Jesu gore a mmoloke. O tlogetse ditsala tsa gagwe tse di bosula le tsela e e bosula ya botshelo. A simolola go bolelela ba bangwe kaga Jesu le kafa ba ka bolokwang ka teng. Modimo o ne wa dirisa monna yo ka tsela e e gaggamatsang fa a sena go amogela Jesu jaaka Mmoloki wa gagwe.

Paulo o kile a kwalela Bakeresete kwa Korinthe mme a ba raya a re: *"A kampo (gongwe/kgotsa) ga lo itse gore mebele ya lona ke Tempele ya Mowa o o Boitshepo o o mo teng ga lona, o lo o amogetseng mo Modimong, e bile ga lo ba lona? Lo rekilwe ka tlhwathwa e kgolo; galaletsang he Modimo ka mebele ya lona e e leng ya Modimo!"* - 1 Bakorintha 6:19-20.

## DIPOTSO TSA TSHEKATSHEKO YA GAGO

### THUTO 8

1. Ditiro 4:12 le Johane 14:6 di ruta eng? \_\_\_\_\_  
\_\_\_\_\_
2. A motho wa tumelo e sele jaaka Iselam le Bohindu, jalojalo o ka bolokwa? \_\_\_\_\_ Ke ka goreng a se kake a bolokwa? Ka gore \_\_\_\_\_
3. Re bolokwa mo \_\_\_\_\_
4. Re bolokelwa \_\_\_\_\_
5. Mokeresete o ka nna le phenyo mo sebeng ka gonne \_\_\_\_\_  
\_\_\_\_\_
6. Fa motho a nna Mokeresete ke \_\_\_\_\_  
2 Bakorinthe 5:17

### SEKASEKA DIKARABO TSA GAGO

(1) Jesu Keresete ke ene fela tsele ya poloko (2) Nnyaa. Jesu ke ene fela yo o ka bolokang (3) Sebeng (4) Botshelo jwa go direla Modimo (5) Nonoto ya ga Jesu e ma mo go ene (6) Setshedl se seshu

## **TLHOMAMISA GORE O BADILE DITEMANA TSE TSA BAEBELE**

2 Bakorintha 5:17

Ditiro 4:12

Tshenolo 20:11-15

Mathaio 1:21

Diane 14:12

Mathaio 25:46

Bafilipi 4:13

Tshenolo: 21 le 22

Johane 14:1-3,6

Luke 16:19-31

1 Bakorintha 6:19-20

## THUTO 9

# JESU KE MOFENYI WA LOSO

**Temana ya tlhogo:** *"Ke yo o tshelang; ke ne ke sule, mme ke tshela ka bosakhutleng; ke tshotse dilotlele tsa loso le tsa felo ga baswi."* - Tshenolo 1:18

### KETAPELE

Go tswa tshimologong ya metlha batho ba itsile loso jaaka mmaba yo o ne a sa kake a fennngwa. Batho ba lekile go falola loso ka ditsela tse dintsi mme ka metlha go tla nako fa ba tshwanetse go swa mme loso ke mofenyi.

Mo thutong e, re tla ithuta kaga Jesu Mofenyi wa loso. Re tla bona fa Jesu a letlile gore a bolawe ke batho ba ba bosula. Re tla bona kafa o fitlhilweng ka teng le kafa o tsogileng mo lebitleng ka gone ka letsatsi la boraro. Re tla ithuta gape gore go fenya ga gagwe loso go ka diraeng mo go rona.

### 1. JESU O SUPILE THATA YA GAGWE YA GO FENYA LOSO KA GO FA BOTSHELO GO BA BANGWE BA BA NENG BA SULE

Mo thutong ya borataro re ithuta gore Jesu o na le thata yotlhe kwa legodimong le mo lefatsheng. Nngwe ya ditsela tse o supileng thata e ka yone ke ka go fa botshelo go batho ba ba neng ba sule. A re akanye gape ka dipolelo tse tharo tse.

1. Mo go Matheo 9:23-26 re ithuta kafa mosetsanyana o suleng ka teng. Ditsala di ne di phuthegetse kwa legaeng la batsadi ba gagwe go futsafala le bone. E rile fa Jesu a ba bolelela gore mosetsanyana ga a a swa o robetse ba mo tshega. Ba ne ba bonye setopo sa mosetsanyana. Ba ne ba itse gore o sule. Jesu o tsenye mo ntlong e setopo se neng se beilwe mo go yone. O ne a mo tsaya ka seatla mme a busetsa botshelo mo go ene. Fela jaaka re ka tsosa ngwana mo borokong, Jesu o ne a kgona go bitsa ngwana mo losong.
2. Mo go Luke 7:11-17 re bala kafa Jesu o rakanyeng le lekoko ka teng le le neng le ya go fitlha monna. Monna yo e ne e le ene fela morwa wa motlholagadi. Jaanong mme yo wa

Modimo o ne a setse a le nosi. Jesu o ne a mo utlwela botlhoko, a laola monna yo o suleng go tsoga mme a dira jalo. Gopola kgakgamalo le boipelo jo batho botlhe ba tshwanetseng ba bo ba ne ba nna najo.

3. Mo go Johane 11:1-46 re bolelelwa ka loso lwa ga Lasaro. E ne e le tsala ya ga Jesu. Maretha le Maria e ne e le bokgaitساديا Lasaro. Ba ne ba ya go bitsa Jesu fa Lasaro a sa ntse a lwala. E rile Jesu a goroga kwa legaeng la bone Lasaro a bo a setse a sule. O ne a na le malatsi a le mane a ntse a sule. Ba lolwapa le ditsala ba ne ba setse ba mo fitlhile. Jesu o ne a ba bolelela go tlosa lentswe la logaga. Jaanong a laola Lasaro go tswa. Go araba lentswe la ga Jesu, Morwa Modimo, Lasaro go tswa mo logageng a tsamaya ka dinao.

Jesu ammaaruri o supile thata ya gagwe ka go busetsa botshelo mo go ba ba neng ba sule. Mme mo e ne e se teko e tona ka thata ya gagwe. Teko e tona e ne e tshwanetse go tla morago. A Jesu, ka boene o ne a ka swa a bo a feny a loso?

## **2. JESU O SOLOFEDITSE GORE O TLA FENYA LOSO**

Jesu o sale a itsile gore o tla bolawa bogologolo tala pele ga go dirafala. O ne a itse gape gore o tla tsoga mo losong ka letsatsi la boraro. Matheo 16:21; Matheo 26:32, Mareko 9:9.

Jesu o buile dilo tse le barutwa ba gagwe pele ga di dirafala. O dirile jalo gore e re di dirafala barutwa ba tle ba dumele tota mo go ene. Johane 14:29

## **3. JESU O NE A SWA KA BOAMMAARURI**

Gore re amogele ka botlalo go feny a ga Jesu loso re tshwanetse ra tlhaloganya gore Jesu totatota o ne a swa, e seng go idibala fela. A re tlhatlhobeng mafoko a a latelang. Bala ka kelothoko Luke 23:32-56; Luke 24;1-53 le Johane 19:16-42; Johane 20:1-31; Johane 21:1-25.

(1) Jesu o sule mo ponong ya batho ba bantsi. O ne a se ka a swela golo gongwe ga sephiri fa go neng go sena batho ba ba ka bonang gongwe ba ba setlhophanyana fela. Go ka nna ga twe batho botlhe ba Jerusalema ba ne ba dule go tla

go bona Jesu a a swa mo sefapaanong. Go ne go sena pelaelo mo ditlhaloganyong tsa batho ba. Ba ne ba itse gore Jesu o swetse mo sefapaanong.

(2) Go ne go na le ditlhopha di le tharo tse di neng tsa tlhomamisa gore Jesu e le ruri o sule.

(a) **Sa ntlha**, go ne go na le masole. Banna ba, ba ne ba rutilwe go bolaya. Ba ne ba itse loso fa ba lo bona Ba ne ba itse gore Jesu o sule. Mongwe wa masole o bile madi a tlhaba Jesu ka lerumo mo lotlhakoreng. Ga tswa le metsi. Mme go supa gore Jesu totatota o ne a sule.

(b) **Sa bobedi**, baba ba ga Jesu ba ne ba le teng foo go tlhomamisa gore o sule. Ba kabo ba sa letlelela gore Jesu a folosiwe mo sefapaanong fa ba ne ba sa tlhomamise sentle gore a o sule.

(c) **Sa boraro**, go ne go na le ba ba neng ba rata Jesu. Le bone ba ne ba tlhomamisa gore Jesu o ne a sule. Fa batho ba neng ba mo rata ba utlwile sesuponyana sa botshelo fa ba ne ba mmakanyetsa phitlho ba bo ba mo isa kwa lebitleng, ba kabo ba ise ba ke ba mo fitlhe. Ga go kake ga nna le pelaelo mabapi le puo ya gore Jesu e le tota o ne a swa.

#### **4. JESU O TSOGILE MO LOSONG KA TSATSI LA BORARO**

Baba ba ga Jesu ba dirile gotlhe mo ba go kgonng go kganela go tsoga ga gagwe mo losong. Lentswe le letona le ne le beilwe mo kgorong ya logaga mme kano e beilwe mo go lone. Masole a ne a beilwe foo go tlhokomela lebitla le gore ba tlhokomele gore setopo se se ka sa utswiwa. - Matheo 27:62-66.

Mme otlhe maiteko a bone a ne a sena mosola. Ka tsatsi la boraro lebitla le ne le se na sepe. Jesu o ne a tsogile! Morago ga tsogo ya gagwe Jesu o ne a bonala gantsintsi mo barutweng ba gagwe. Ba ne ba bua le ene. Ba ne ba mo tshwara ka mabogo a bone. Ba itsile gore e ne e le Jesu le gore o tshedile mo baswing. Jesu o ne a sule. O ne a fitlhilwe. O fentse loso! Jaanong o tshela ka bosakhutleng! - Luke 24:1-53; Johane 20:1-31; 21:1-25.

## 5. TLHALOSO YA GO FENYA LOSO GA GA JESU

Go na le dilo di le pedi tse totatota re batlang go di umaka mo thutong e mabapi le tsogo ya ga Jesu mo baswing.

1. Tsogo e kaya Jesu e le Morwa yo o tshelang wa Modimo. Re bala ka gone mo go Baroma 1:4, *"Yo o beilweng go nna Morwa Modimo yo o tletseng thata kafa Moweng o o Boitshepo ka tsogo mo baswing, e bong Jesu Keresete."*

2. Jesu, yo o nang le thata ya go fenya loso, o tla tsosa batho botlhe mo mabitleng ka letsatsi la bofelo. Re tla ithuta ka botlalo kaga se se tla dirafalang ka nako ya tsogo mo dithutong tse di latelang. Johane 5:28-29.

A re itumeleng gore re ka rapela ra bo ra direla Mmoloki yo e leng mofenyi wa loso. O ka re boloka mo dibeng tsa rona, a re tsose mo losong, a bo a re tsaya go ya go tshela le ene ka bosakhutleng. A re ithuteng molaetsa o ka kelotlhoko mme re bo re o rute le ba ba iseng ba utlwe gongwe ba ba sa tlhaloganyeng.

## DIPOTSO TSA TSHEKATSHEKO YA GAGO

### THUTO 9

1. Mmaba yo motho a iseng a ke a kgone go mo fenya ke \_\_\_\_\_
2. Jesu o supile nonofo ya gagwe ya go fenya loso ka go fa batho bangwe ba ba ne ba sule botshelo. Boraro jwa ba ke bo \_\_\_\_\_
3. Jesu o itsile leng gore o tla bapolwa? \_\_\_\_\_
4. Jesu o sule mo sefapaanong. Batho bangwe ba ba itsileng gore o sule e ne e le \_\_\_\_\_ ba ga Jesu, le ba ba ne ba \_\_\_\_\_
5. Jesu o tsogile mo losong ka letsatsi la \_\_\_\_\_

6. Tsogo e supile gore Jesu e ne e le \_\_\_\_\_

7. Mo go Johane 5:28-29 re ithuta gore nako e tla tla e Jesu  
o tla \_\_\_\_\_

### SEKASEKA DIKARABO TSA GAGO

suleng

(1) Loso (2) Morwadia Jairo le Morwa mothohlagadi le Lasaro  
(3) Bogologolo pele ga go direga (4) Bathahabani, baba, mo  
rwa (5) Boraro (6) Morwa Modimo (7) Tsosang bothhe ba ba

### TLHOMAMISA GORE O BADILE DITEMANA TSE TSA BAEBELE

Tshenolo 1:18

Luke 7:11-17

Mathaio 9:18-19, 23-26

Johane 11:1-46

Mathaio 16:21

Mathaio 26:32

Mareko 8:31

Mareko 9:31

Johane 21:1-15

Mareko 10:33-34

Johane 14:29

Luke 23:32-56

Johane 20:1-31

Johane 19:16-42

Luke 24:1-53

Johane 5:28-29

Baroma 1:4

## THUTO 10

# JESU KE MORENA

**Temana ya tlhogo:** *"Jaanong a lelapa lengwe le lengwe la Iseraele le itse ruri gore ene Jesu yo lo mmapotseng, Modimo o mo dirile Morena le Keresete."* - Ditiro 2:36

### KETAPELE

Mo thutong e re tla ithuta boammaaruri jo bongwe mabapi le Jesu. Re tla bona gore Jesu ke Morena. Baebele e ruta gore motho ga a kake a amogela Jesu e le Mmoloki fa ese gape a rata go mo amogela e le Morena. Jesu ka boene o rile: *"Fa mongwe a rata go ntshala morago, a a itlogele, a sikare sefapano sa gagwe ka letsatsi, a ntshale morago."* - Luke 9:23. Jesu o buile mafoko a gore ba ba neng ba gopola go mo sala morago ba tle ba tlhologanye gore Bokeresete ga bo motlhofo ka nako tsotlhe. Ka nako dingwe balatedi ba ga Jesu ba tla lebagana le kotsi e kgolo. Jesu ka boene o diragaletswe ke dilo tse tsotlhe. Kwa bofelong, a lebana le loso le le setlhogo la go swela mo mokgorong. Jaaka balatedi ba ga Jesu, re tshwanetse go rata go tsamaya mo tseleng ya Morena wa rona mme ra dira thato ya gagwe le fa go ka nna jang.

### 1. TLHALOSO YA LEFOKO LE LE RENG "MORENA"

Mo Baebeleng lefoko le le reng "Morena" le na le tlhaloso e e nonofileng. Le legolo go gaisa tlotla fela e motho o ka nnang a e fiwa. Kafa Baebele e dirisang "Morena" ka teng e raya se: fa motho a le morena wa sengwe, selo seo ke sa gagwe mme o na le thata yotlhe mo go sone. O ka se dirisa kafa o kgonang ka teng.

Fa o reka baesekele o mong wa yone, o morena wa baesekele eo. O na le thata ya go bua kafa e tshwanetseng go dirisiwa ka teng le gore ke eng se se tshwanetseng go dirwa ka yone. Jaanong a re akanyeng mmogo ka borena jwa ga Jesu Keresete.

### 2. JESU KE MORENA WA MOKERESETE MONGWE LE MONGWE

Re batla go go bontsha mabaka a mabedi a gore ke ka ntlha ya eng Jesu e le Morena wa Mokeresete mongwe le mongwe.

- (1) Jesu ke Morena wa Mokeresete mongwe le mongwe ka gore o duetse tlhwatlhwa go golola Mokeresete mongwe le mongwe mo sebeng le mo kotlhaong ya sone e e sa feleng. Mo go 1 Bakorintha 6:19-20 re bala mafoko a, "*A kampo ga lo itse gore mebele ya lona ke tempele ya Mowa o o Boitshepo o o mo teng ga lona, o lo o amogetseng mo Modimong, ebile ga lo ba lona? Lo rekilwe ka tlhwatlhwa e kgolo: galaletsang he Modimo ka mebele ya lona e leng ya Modimo.*" Gape re bala mabapi le se mo go 1 Petoro 1:18-19 "*Lo itse gore mo tsamaong ya boithamako ya lona, e lo e bonyeng mo go borraeno, ga lo a gololwa mo go yona ka dilo tse di nyelelang, jaaka selefera le gouta, mme e le ka madi a a molemolemo a ga Keresete, e le a kwana e e se nang nyatsego, lefa e le sebala.*"

Ka jalo re bona gore Jesu o na le thata mo botshelong jwa Mokeresete mongwe le mongwe ka gonne a mo rekile ka loso lwa gawe mo sefapaanong.

- (2) Jesu ke Morena wa Mokeresete mongwe le mongwe ka gonne motho mongwe le mongwe yo o sokologang a bo a amogela Jesu jaaka Mmoloki e bile o mo amogela jaaka Morena. Sengwe sa dilo tse Bakeresete mo malatsing a Kgologano e Ntsha ba tshwanetseng go se dira ke go bolela fa Jesu e le Morena wa bone. Bala Baroma 10:9. Re bona gape gore Bakeresete botlhe ba ne ba lemoga borena jwa ga Jesu fa re bala 1 Bakorintha 8:6, "*Le fa go ntse jalo, re na le Modimo o le mongwe fela, Rara yo dilo tsoitlhe di tswang mo go ene, yo re bopetswent ene; le Morena a le mongwe fela, ebong Jesu Keresete, yo dilo tsoitlhe di leng ka ene, yo le rona re leng ka ene.*"

### **3. BAKERESETE BA TSHWANETSE GO OBAMELA JESU JAAKA MORENA WA BONE.**

Batho bangwe ba batla go bolela Jesu e le Morena ka molomo wa bone fela. Jesu ga a amogele se. Mo go Luke 6:46 Jesu o botsa potso e, "*Lo mpiletsang Morena, Morena, lo sa dire tse ke di buang?*" Jesu o buile gape mabapi le se mo go Matheo 7:21, "*Ga se mongwe le mongwe yo o nthayang a re: Morena, Morena! yo tla tsena mo pusong ya magodimo; go tla tsena fela yo o dirang thato ya ga Rre yo o kwa magodimong.*"

Motho yo tota o amogetseng Jesu jaaka Mmoloki o bile o amogetse Jesu jaaka Morena wa botshelo jotlhe jwa gagwe.

Fa Mokeresete a itse selo sengwe se e leng thato ya Modimo mabapi le botshelo jwa gagwe, o tla leka go dira selo seo. Ga go kgonege go bua ka dilo tsofhe tse Morena Jesu o batlang re di dira. Legale, re tla umaka di se kae.

1. Jesu o batla Mokeresete a supe gore ke Mmoloki le Morena. Mokeresete ga a a tshwanela go tlabisiwa ditlhong ke Jesu. Bala Matheo 10:32-33.

2. Jesu o batla gore Mokeresete a tshela botshelo jwa gagwe ka tsela e e dirang gore batho ba tlotle Modimo. Bala Matheo 5:14-16.

3. Tiro e Mokeresete o e dirang le metshameko e o e tshamekang e bo e le ka fa thatong ya Modimo. Bala 1 Bakorintha 10:31.

4. Jesu o na le thulaganyo ya nyalo ya Mokeresete le kafa o tshwanetseng go tshela ka teng mo lwapeng. Mokeresete o tshwanetse go bala Baebele, a ithute thuto ya yone a bo a tshela ka yone. Simolola ka go bala Baefeso 5:22-23; 6:1-4.

5. Jesu o tshwanetse go nna Morena wa madi a Mokeresete. Bolesome jwa madi a Mokeresete bo tshwanetse go ntshediwa tiro ya Modimo. Bala Malaki 3:8-12 le Matheo 23:23. Madi a a salang a tshwanetse go dirisiwa ka mokgwa o o tla bong o itumedisa mo Modimong.

6. Jesu o tshwanetse go nna Morena wa nako ya Mokeresete. Mokeresete ga a a tshwanela go tshwarwa ke tiro mo e leng gore o tlhoka nako ya go bala Baebele (2 Timotheo 2:15), go rapela (Matheo 26:41), le go ya kerekeng (Bahebera 10:25).

7. Jesu o batla Mokeresete mongwe le mongwe a bolelela ba bangwe kaga gagwe le ka tsela ya poloko. Bala Matheo 28:19-20.

8. Jesu o batla Mokeresete mongwe le mongwe a

kolobediwa mme a bo a nne tokololo ya kereke nngwe. Bala kafa ba ba neng ba bolokiwa ba dirileng ka teng mo malatsing a Kgolagano e Ntsha. Ditiro 2:37-47.

#### 4. KA TSATSI LA BOFELO BATHO BOTLHE BA TLA BOLELA FA JESU E LE MORENA

Go boammaaruri gore batho ba le bantsi ba gana go amogela Jesu jaaka Mmoloki le Morena wa bone. Bangwe e bile ba tshega Mokeresete yo o tshelang kafa go rateng ga Morena Jesu Keresete. Tsatsi lengwe batho ba ba tla ithuta kafa ba molato ka teng. Bala Bafilipi 2:5-11. Fa ba ema fa pele ga Jesu ka yone nako eo ba ema fa pele ga Modimo go atholwa mme ba bona Jesu a ntse mo katlholelong a letile go ba sekisa, mme jaanong ba tla itse ka phoso ya bone e tona. Mme nako ya tshokologo e tla bo e fetile.

Ka letsatsi la bofelo Morena Jesu o tla amogela ba ba mo amogetseng jaaka Mmoloki le Morena ba sa ntse ba tshela molefatsheng.

### DIPOTSO TSA TSHEKATSHEKO YA GAGO

#### THUTO 10

1. Lefoko "Morena" le raya eng? \_\_\_\_\_  
\_\_\_\_\_
2. Ke mang yo o ruang mebele ya rona fa re nna Bakeresete?  
\_\_\_\_\_
3. A se se raya gore re ka dira se re se batlang ka mebele ya rona? \_\_\_\_\_ . Re tshwanetse go dirisa mebele \_\_\_\_\_ ya rona jang? \_\_\_\_\_ 1 Bakorintha 6:19-20.
4. Fa Jesu e le Morena wa rona, selo sa ntlha se re tshwanetseng \_\_\_\_\_ go se dira ke eng? \_\_\_\_\_ Matheo 10:32, Baroma 10:9.
5. Fa Jesu e le Morena a ke Morena wa madi a rona?  
\_\_\_\_\_

Re tshwanetse go abela Modimo go le kae?

---

6. Badumedi mo Kgolaganong e Ntsha ba ne ba \_\_\_\_\_ go supetsa ba bangwe gore jaanong ke ba ga Jesu Keresete.

### SEKASEKA DIKARABO TSA GAGO

Kolobediwa  
Morena. (5) Ee Kabelo ya lesome le ditshupelo (6)  
ipolela ka molomo wa rona mo go ba bangwe gore Jesu ke  
Keresete (3) Nnyaa. Mo kgalatetsong ya Modimo (4) Go  
(1) Keresete o re rulle, o ka dira se o se batlang ka rona (2)

### TLHOMAMISA GORE O BADILE DITEMANA TSE TSA BAEBELE

Bafilipi 2:5-11  
Luke 9:23  
1 Bakorintha 6:19-20  
Baroma 10:9  
Luke 4:6  
2 Timotheo 2:15  
Mathaio 10:32-33  
1 Bakorintha 10:31  
Baefesia 5:22-33, 6:1-4

Ditiro 2:36-47  
1 Petro 1:18-19  
Mathaio 28:19-20  
1 Bakorintha 8:6  
Mathaio 7:21  
Malaki 3:8-10  
Mathaio 5:14-16  
Mathaio 23:23

## THUTO 11

# JESU KE MOATLHODI

**Temana ya tlhogo:** *"Le gona Rara ga a athhole ope, mme katlholo yotlhe o e neetse Morwa."* - Johane 5:22

### KETAPELE

Batho ba le bantsi ba tla gakgamala go itse gore ba itira baatlhodi malatsing ano, mme gone go jalo. Letsatsi le letsatsi batho ba utlwa kaga Jesu Keresete. Ba utlwa kafa Jesu o ba swetseng ka teng le kafa ba tshwanetseng ba sokologa ka teng ba mo amogele jaaka Mmoloki le Morena. Fa ba dira tshwetso ka se ba tla se dirang kaga Jesu, ba itira baatlhodi ba ga Jesu. Ba bangwe ba bona gore Jesu ke Morwa Modimo le gore o swetse dibe tsa bone, mme ba sokologe ba bo ba mo ikanye. Ba bangwe ba kgalhanong le Jesu. Ba a mo gana.

Mo Baebeleng re ithuta ka monna yo o neng a athlola Jesu. Leina la gagwe e ne e le Ponto Pilatwe. O ne a reetsa tshoko ya ga Jesu, a bo a botsa a re: "Jaanong ke direng ka Jesu yo o bidiwang Keresete?" E rile fa phuthego e goa e re Jesu o bolawe mo sefapaanong, Pilato a dumela mme a letlelela Jesu gore a bolawe. O dirile phoso ya go dira baba ba ga Jesu go laola kafa o neng a tshwanetse go athlola Morwa Modimo ka teng.

Le mororo batho ba athlola Jesu malatsing ano, Baebele e re bolelela gore letsatsi le etla le Jesu o tla atloholang batho botlhe ka lone. A re boneng se Baebele e se re rutang mabapi le Jesu e le Moatlhodi. Jaaka fa re ithuta, dipotso di ka nna tsa tla mo ditlhaloganyong tsa rona mabapi le Katlholo. Re tshwanetse go lemoga gore Baebele ga e re fe mabaka otlhe a go tla ga katlholo, mo ga se maikaelelo a yone. Selo sa botlhokwa thata ke go itse tsela ya go ipaakanyetsa katlholo e seng mabaka a gore e tla nna leng.

### 1. JESU O TLA TSOSA BATHO BOTLHE MO LETSATSING LA BOFELO

Bala ka kelotlhoko Johane 5:26-30. Jaanong a re sekasekeng boammaaruri bongwe jo temana e e bo re rutang.

1. Modimo o neile Jesu thata ya go athola. Johane 5:27.
2. Katlholo ya ga Jesu e tla bo e siame. Johane 5:30.
3. Batho botlhe ba tla rudisiwa gore ba tle ba tle katlholong. Bagolo le bannye ba tla bo ba le teng. Basiami le ba ba bosula ba tla bo ba le teng. Batho ba merafe yotlhe ba tla bo ba le teng. Baebele ya re: *"Botlhe ba ba mo diphupung ba tla utlwa lentswe la gagwe...mme ba tla tswa."* Johane 5:28-29

## 2. BOTLHE BA TLA PHUTHEGELA FA PELE GA SETILO SA KATLHOLO

Bala ka kelotlhoko Matheo 25:31-46 le Tshenolo 20:11-15. Gangwe le gape Baebele e re tlhalosetsa sentle gore botlhe ba tshwanetse go bonala fa pele ga setilo sa katlholo ka nako ya katlholo. Ga go ope yo o tla e tilang. A re boneng dingwe tsa dilo tse di tla dirafalang ka nako eo.

1. **Kgaogano e tla diriwa** (Matheo 25:32-33). Kgaogano e tla direlwa mo godimo ga kafa batho ba leng sone mo semoweng. Mo Baebeleng dinku di dirisiwa jaaka sesupo sa Bakeresete; dipodi di dirisiwa jaaka sesupo sa ba ba sa bolokiwang. Ba kgaoganngwa pele ga lefoko lepe le buiwa mabapi le tshiamo gongwe bomaswe jwa ditiro tsa bone. Ba bewa mo setlhopheng se le sengwe ka ntlha ya se ba leng sone. Keresete jaanong a bo a lemotsha ditlhopho tse pedi tse ditiro tsa tsone. Ditiro tsa bone di supa go latlhega ga bone gongwe go bolokesega ga bone. Seemo sa semowa sa bone se supiwa ke ditiro tsa bone eseng ke mafoko a bone.

Mo go Tshenolo 20:11-15 re bolelelwa gape gore go tla nna le kgaoganyo. Fela mono go dirisitswe setshwantsho se sengwe go ruta yone thuto ye. Ba ba sa bolokwang ba tla atholwa kafa ditirong tsa bone tse di mo lokwalong lo lo tla bong lo tshotswe. Maina a Bakeresete a tla bo a kwadilwe mo Lokwalong lwa Botshelo.

Go na le selo sengwe se re tshwanetseng go se tlhaloganya pele ga re tswela. Ga go na diphoso dipe tse di tla dirwang kwa Katlholong e. Mabaka otlhe a tshoko a tla bo

a itsege. Jesu, ka boene, e tla bo e le Moatlhodi.

2. **Bakeresete ba tla amogelwa mo botshelong jo bo sa khutleng.** Jesu o tthalosa gore dinku tsa gagwe, e bong bao ba maina a bone a kwadilweng mo Lokwalong lwa Botshelo, ba tla tshela botshelo jo bo sa khutleng le ene. Bone ba ba amogetseng Jesu e le Mmoloki le Morena fa ba sa ntse ba tshela mo lefatsheng ba tla amogelwa ke Jesu ka tsatsi leo.
3. **Ba eseng Badumedi ba tla athlolwa kafa ditirong tsa bone mme ba latlhelwa mo lekadibeng la molelo.**

Ditemana dingwe tsa Baebele di re ruta gore motho o athlolelwa go tlhoka go dumela mo leineng la ga Jesu. Bala Johane 3:18. A re e akanyetse ka tsela e. A re re motho o roba molao. O a tshwarwa mme a isiwe fa pele ga moatlhodi. Moatlhodi o reetsa tsheko mme a bone gore motho o molato. Moatlhodi a bo a re motho o tshwanetse go duela diranta di le masome mathano (R50) eseng jalo a ye kgolegolong. Jaanong a re tsala ya motho yo o molato o tla a re o tla duela madi ao, a masome mathano a diranta. Mme motho a gane go duelelwa ke ope.

Moatlhodi o tla a re: "Go siame. Fa o gana thuso o tla ya kgolegolong." Mme motho a tsennngwe mo kgolegolong. Motho mongwe o ne a ka bolela ka tsheko mme a bua gore monna o ne a tsennngwa mo kgolegolong ka ntlha ya molato o a o dirileng. Yo mongwe o ne a ka re o tsentswe mo kgolegolong ka gore o ganne thuso e motho mongwe o neng a re o mo thusa ka yone. Batho boo babedi ba ne ba tla bo ba bua boammaaruri. Motho o ne a bonwa molato ka ntlha ya go dira molato ga gagwe mme o santse a le kafa tlase ga katlholo e ka gore o ganne thuso e o neng a e filwe.

Go jalo gape le ka motho yo o latlhegileng. O otlhaiwa ka ntlha ya dibe tsa gagwe. Bala Baroma 6:23a. Jesu o ne a duela molato wa dibe tsa motho yoo ka go mo swela mo sefapaanong. Fa motho a gana poloko e o e mo fang, jaanong motho yoo o sala fa tlase ga kwatlhao ka gonne o ganne Jesu. Ga go na thuso gongwe tsholofelo epe mo mothong yo o ganeng poloko e Jesu o e ntshang.

Motho yo o ganang Jesu fa a sa ntse a tshela mono

lefatsheng o tla ema fa pele ga Jesu tsatsi lengwe. Ke nako eo Jesu e tla bo e le Moatlhodi wa gagwe. Fa a ganne tsothe tse Jesu o di mo diretseng, Jesu, Moatlhodi yo o se nang tshokamo, o tla mo gana ka tsatsi leo. O tla latlhelwa mo lekadibeng la molelo, felo ga kotlhao ka bosakhutleng.

## DIPOTSO TSA TShekatsheko ya GAGO

### THUTO 11

1. Batho botlhe ba tla atholwa ke \_\_\_\_\_
2. Selo se se tlokegang thata go itsiwe kaga katlholo e e jang ke \_\_\_\_\_
3. Katlholo ya ga Jesu e tla nna \_\_\_\_\_
4. Ke mang yo o tla bo a le mokatlholong \_\_\_\_\_
5. Re tla farologangwa ka tsela ya gore re amogetse gongwe re ganne \_\_\_\_\_ jaaka Mmoloki.
6. Bakeresete ba tla bona \_\_\_\_\_
7. Bao ba ganneng Jesu mme e se badumedi ba tla latlhelwa mo \_\_\_\_\_ jwa \_\_\_\_\_

### SEKASEKA DIKARABO TSA GAGO

(1) Jesu Keresete (2) Gore re ipakanyetse katlholo ka go amogela Keresete jaaka Mmoloki wa rona (3) Tshiamo (4) Mongwe le mongwe (5) Jesu Keresete (6) Botshelo jo bo sa khutleng (7) Bodibeng jwa molelo

### TLHOMAMISA GORE O BADILE DITEMANA TSE TSA BAEBELE

Johane 5:22,26-30

Johane 3:18

Mathaio 25:31-46

## THUTO 12

# JESU O RATA BATHO BOTLHE

**Temana ya tlhogo:** *"Gonne Modimo o ratile lefatshe mo go kalo, mo o bileng wa le neela Morwa-ona yo o tsetsweng a le esi; gore mongwe le mongwe yo o dumelang mo go ene a se ka a latlhega, mme a nne le botshelo jo bo sa khutleng."* - Johane 3:16.

## KETAPELE

Kwa tshimologong Satane o gogetse Atamo le Efa mo sebeng ka maaka. Atamo le Efa ba ne ba tlamega go arabela sebe sa bone ka gore ba tlhophile go dumela maaka a ga Satane go na le boammaaruri jwa Modimo. Satane o sa ntse a gogela batho mo sebeng ka maaka a gagwe. Mangwe a maaka a magolo a Satane o a bolelang mo Aferika malatsing ano ke a: "Jesu ke Modimo wa motho yo mosweu eseng mo-Aferika/montsho." Ba ba reetsang ba bo ba latela maaka a, ba tla lathegela ruri.

Ba ba ikakanyetsang mme ba bala Baebele ga ba ketla ba tsiediwa ke maaka a. Rotlhe re itse gore go na le Modimo o le mongwe. Ke Modimo wa batho botlhe ka gonne o dirile batho botlhe. Baebele gape e re ruta gore Modimo o mongwe, o na le thulaganyo ya poloko e le nngwe. Thulaganyo e, ya poloko e tshwana fela mo bathong botlhe ba lefatshe. Dikgosi le bafumagadi ba tshwanetse gore ba bolokwe ka go sokologa le go ikanya Jesu jaaka Mmoloki le Morena ka tsela e le nngwe fela jaaka mofumanegi yo o senang sepe. Morutabana mo Yunivesithing o tshwanetse go sokologa mme a ikanya Jesu fela jaaka motho yo o iseng a tsene sekole. Motswana, Motshaena le lekgowa, botlhe ba tshwanetse ba sokologe mme ba ikanya Jesu ka tsela e e tshwanang fa ba batla poloko le botshelo jo bo sa khutleng.

Satane o a aka a re Jesu ke wa makgowa fela. Modimo o bua phatlalatsa mo Baebeleng gore Jesu ke wa batho botlhe. A re utlwe lefoko la Modimo mabapi le kgang e.

## 1. BAPOROFETI BA RILE JESU O RATA BATHO BOTLHE

Bala Genesisise 22:18 le Bagalatia 3:16. Temana ya Genesisise e re ruta gore e ne e le thulaganyo ya Modimo go segofatsa batho botlhe ba lefatshe ka losika lwa ga Aberahame. Temana e e mo go Bagalatia e amana le tsholofetso, e e re tswang go e bala mo go Genesisise. Re tihaloseditswe sentle gore morwa yo o tshwanetseng go segofatsa batho botlhe ba lefatshe ke Jesu Keresete. Modimo o go papameditse sentle mo Kgolaganong e Kgologolo gore Mmoloki yo o solofeditsweng e tla bo e le wa lefatshe lotlhe.

Mo kgaolong ya masome a mane le bofera bongwe ya ga Isaia re bala kaga polelopele mabapi le Mmoloki yo o solofeditsweng mo bofelong jwa temana ya borataro, "*le gona ke go dirile lesedi la baheitane, gore o nne poloko ya me go fitlha kwa bokhutlong jwa lefatshe.*" Jesu o ne a re ke ene Lesedi la Lefatshe. Ga go kake ga nna le pelaelo ka se. Modimo o rulagantse gore Jesu a nne lesedi le le bontshang tsela ya poloko mo ditshabeng tsotlhe tsa lefatshe.

## **2. BAENGELE BA RILE JESU KE WA BATHO BOTLHE**

Bala Luke 2:10-11. Baengele ba tile ba bolela molaetsa o Mokimo o o ba fileng. Mo molaetseng wa bone o o tswang Modimong ba bua sentle gore Jesu ke ene Mmoloki le gore ke wa batho botlhe.

## **3. JOHANE MOKOLOBETSI O RILE JESU KE WA BATHO BOTLHE**

E rile fa Johane Mojolobetsi a baakanyetsa Jesu tsela o ne a bua mafoko a kaga Jesu, a re: "*Bonang, Kwana ya Modimo, e e tlosang boleo jwa lefatshe.*" - Johane 1:29. Johane Mokolobetsi o thalogantse gore Jesu o ne a sa tla go boloka tshaba nngwe ya batho. Modimo o mo itsisitse gore Jesu e tla bo e le ene Mmoloki wa botlhe ba ba tla sokologang ba bo ba mo ikanya.

## **4. JESU KA BOENE O RILE MOLAETSA WA POLOKO KE WA BATHO BOTLHE**

Pele ga a thatlogela kwa legodimong, Jesu o buile le barutwa ba gagwe a re: "*Ka moo he, yaang lo dire merafe yotlhe barutwa, lo ba kolobetse mo leineng la Rara, le la Morwa, le la*

*Mowa o o Boitshepo.*" - Matheo 28:19. Jesu o ne a bolelela barutwa gore molaetsa wa poloko ke wa batho botlhe mo lefatsheng.

## **5. MODIMO O NA LE THULAGANYO YA POLOKO YA BATHO BOTLHE E LE NNGWE FELA**

A re sekasekeng temana ya rona ya tlhogo ya thuto e e bong Johane 3:16. Mo go yone re ithuta gore Modimo o rata batho botlhe. Gape re ithuta gore Modimo o ntshitse Jesu, Morwa one yo esi, gore mongwe le mongwe yo o tla bo a ikanya Jesu a seka a latlhega mme a bone botshelo jo bo sa khutleng.

Satane o ka nna a leka go dira batho gore ba dumele gore Jesu ke wa sethopho sengwe sa batho fela, mme se ke maaka kgatlhanong le nnete e Modimo o e rutang. Modimo o tihalosa sentle mo Lefokong la one gore Jesu ke Mmoloki wa batho botlhe. Motho mongwe le mongwe yo o sokologang a bo a ikanya Jesu o tla nna le botshelo jo bo sa khutleng. A re se tsiediweng ke maaka a ga Satane. A re dumele Modimo.

### **KITSISO YA BOTLHOKWA BALA TSEBE E E LA TELANG E E LENG "TALETSO YA GO AMOGELA JESU KERESETE" KA KELOTLHOKO LE KA GO RAPELA.**

## **DIPOTSO TSA TSHEKATSHEKO YA GAGO**

### **THUTO 12**

1. Johane 3:16 o re bolelela gore mongwe le mongwe yo o \_\_\_\_\_ o tla tshela ka bosenabokhutlo.
2. Modimo, Rara wa le godimo, ke Modimo wa batho \_\_\_\_\_
3. Isaia 49:6 o re bolelela gore, poloko ya Modimo ke ya \_\_\_\_\_
4. Baengele ba boleetse badisa gore Jesu o ne a le Mmoloki wa \_\_\_\_\_ Luke 2:10-11
5. Johane Mokolobetsi o rile Jesu ke Kwana ya Modimo e e

tlosang boleo jwa \_\_\_\_\_

6. Jesu o re boleetse go isa molaetsa wa gagwe kwa \_\_\_\_\_
7. Batho bao ba reng Jesu ke wa morafe o le mongwe fela gongwe sethlopha sa batho ba \_\_\_\_\_

### **SEKASEKA DIKARABO TSA GAGO**

(1) Dumelang mo go Jesu Keresete (2) Botlhe  
(3) Lefatshe lotalhe (4) Batho botlhe (5) Lefatshe  
(6) Bathong botlhe gongwe le gongwe. (7) Bua maaka

### **TLHOMAMISA GORE O BADILE DITEMANA TSE TSA BAEBELE**

Johane 3:16  
Bagalatia 3:16  
Luke 2:10-11  
Mathaio 28:19

Genesis 22:18  
Isaia 49:6  
Johane 1:29

## TALETSO YA GO AMOGELA JESU KERESETE

**Temana ya tlhogo:** *"Botlhe ba Rara o ba nnayang ba tla tla mo go nna; mme yo o tlang go nna, ga nkake ka mo kgaramelelsa ntle."* - Johane 6:37

O sa tswa go fetsa nngwe ya dithuto tse di lesome le bobedi mabapi le Jesu Keresete. O ithutile mo Baebeleng gore Jesu ke mang. O ithutile gore ke Morwa Modimo le gore o swetse go go boloka mo dibeng tsa gago.

Gongwe o a akanya mo pelong ya gago: "Ee, ke itse gore Jesu ke mang le se o se ntiretseng, mme ke ka mo amogela jang gore e nne Mmoloki wa me?" Mme ke go bolelele.

1. Pele ga tsotlhe, o tshwanetse go tlhologanya gore Jesu o a go rata. O batla go go boloka, mme ke gone ka moo o go swetseng ka gone. Gompieno o itse gotlhe mo go mo pelong ya gago. O itse gotlhe ka dibe tsa gago. Le gone o itse gore a o batla go tlogela dibe tsa gago go mo amogela gore e nne Morena le Mmoloki wa gago.
2. Jaanong o tshwanetse wa ikwatlaela dibe tsa gago ka boammaaruri. Mo go raya gore o itse gore o modiradibe, e bile o a hutsafala mo pelong ya gago ka ntlha ya dibe tsa gago, mme o batla go tlogela dibe tsotlhe tsa gago gore o sale Jesu morago. Go raya gore o batla thato ya ga Jesu, eseng thato ya gago, mo botshelong jwa gago.
3. Jaanong, fa go ntse jalo, Jesu o kgona go go amogela le go boloka mo dibeng tsa gago. Mo go Johane 6:37, Jesu o fa tsholofetso e e latelang:

*"Botlhe ba Rara o ba nnayang ba tla tla mo go nna; mme yo o tlang mo go nna ga nkitla ke mo kgoromeletsa ntle gope."*

Ke Modimo o o romelang Mowa o o Boitshepo go bua le pelo ya gago. Ke Mowa o o Boitshepo wa Modimo o o tsenyang keletso mo pelong ya gago go sokologa mo sebang mme wa tla kwa go Jesu. Fa o obamela lentswe la Mowa o o Boitshepo jaaka fa le bua le pelo ya gago, mme wa tla kwa go Jesu, Jesu o tla go

amogela.

A ke o khubame o rapele thapelo e mo go Jesu.

"Morena Jesu, ke a itse gore ke go leofetse ka dipaka tse dintsi. Ke a itse gore ke latlhegile ka ntlha ya maleo a me. Ga ke na thata ya go ikgolola. Ke a itse gape gore o ntshwetse mo sefapaanong go nkgolola mo boleong. Ke rata go go latela. Ke rata tsela ya gago e nne tsela ya me. Ke rapela gore o intshwarele dibe tsa me tsotlhe. Jaanong mphe thata gore ke dire thato ya gago ka metlha. Ruri o Mmoloki wa me le Morena wa me. Amen."

Fa o rapetse thapelo e e fa godimo mme o amogetse Keresete jaaka Mmoloki wa gago, re rata o re itsese kaga kakanyo ya gago ya go nna Mokeresete. Tswe tswe tlatsa pampiri e e fa tlase, e gagole, o e romele kwa go rona le dipotso tsa gago tsa ditlhatlhobo.

Ga go tlhokege go tlatsa mo pampiring e ya kakanyo gore o fenyane dithuto mme o amogele sesupo.

### **KAKANYO YA ME KA KERESETE**

Thuto e ya go ithuta Baebele e nthusitse go amogela Jesu Keresete jaaka Mmoloki le Morena wa me. Ke batla lo itse ka kakanyo e, e ke e dirileng mo pelong ya me.

**LEINA** \_\_\_\_\_ **DINGWAGA** \_\_\_\_\_

**ATERESE** \_\_\_\_\_  
\_\_\_\_\_  
\_\_\_\_\_